

MELISSA
RELIGIONIS
PONTIFICIÆ.

Eiusdemque Apotrope.

Elegijs decem conclusa.

Superbia appetitum habet vnitatis,
& omnipotentia. A V G.



LONDINI,
Impensis Nathanaelis Butter.
1620.

THE
HISTORICAL
SOCIETY

OF THE
CITY OF BOSTON

RECORDS
OF THE SOCIETY

FOR THE
YEAR 1850



HONORATISSIMO
VIRO, ROBERTO NAUNTONO,
Equiti aurato, serenissimæ Regiæ
Majestati à Secretis, &
Consilijis Sanctioribus.

Multa sunt (Nauntone Honoratissime)
quæ Papistica religionis fidem minuunt,
muniunt nostræ. Et certè miserum est
in rereligionis animum aliquandiu quasi
ferrû inter duos magnetes habere pensilem,
neq. maturè de fide orthodoxa ~~manere possit~~.

Mibicum animum ad studia Theologica adiecissem, & in
questiones de fide controuersas, incubissem : Papiſmus haud
obscure visus est pompatica quædam Monarchia, quam genuit
ambitio, fouit superstitio, roborauit tyrannis, propagauit &
auxit tam Mammona Seculi, quam fallaciâ pseudocleri.

Hanc non religionem, sed religionis relegationem, multi

Epistola Dedicatoria.

Viri doctissimi scriptis suis exagitârunt. Iam si placet numeros induat, atque ita ad te meo nomine condemnator accedat.

Theodoritus author est Ephrem quendam Syrum ea vario carminum genere olim complexum esse quæ ad pietatem pertinerent, ut sic avidius expeterentur. Idem de Apollinario testantur Socrates & Sozomenus, de Basilio & Nazianzeno, Gregorius Nyssenus.

Temporibus proximis, Eobanus Hessus, Beza, Buchannus, aliique complures (τῶ περιττῶ ὡς ὁ Πίνδαρος ἀνέδειξε καὶ ἡμεῖς) se ad Psalmos Davidis versibus illustrandos, accommodârunt.

Mai βαλὼν μὲν ἄλκιον παρὰ Πίνδαρον (quod dixit Pindarus) si hos imitatus, hoc ἀμύνησεν Religionis argumentum carmine sim complexus.

Doctissimi psalmorum interpretes psalmorum libellum dulcissimū Spiritus Sancti pœma appellant, causa/que afferunt, cur tantum Ecclesiæ thesaurum Deus optimus maximus (ὁ τὸν ἀπὸ τοῦ πνεύματος ἁγίου) numeris astringi voluerit. Quin & illud constat, Sathanam (ut est operum Dei μνηστὴρ) oracula, quæ olim per Pythones reddere solebat, versibus inclusisse, ut isto modo sciscitantibus essent acceptiora. Taceo iam quod beatus Paulus ex Poëtis Arato, Menandro, Epimenide testimonia quædam citârit: non ex alio (quod tam liquido sciam) Scriptore ethnico.

Olim de Pneumatofarcomachia seu Christiani hominis militia, de Christianorum Martyrijs, de vitæ miserijs nonnullum commentatus. Ex eo tempore Musas meas cum Nazian-

Epistola Dedicatoria.

zeno *Iphigenia in Aulide* Xerxes *regendus* idem: dumq; Theologorū diatribas lego, ac intercisis horis quæ lego, recolo; subinde mente ac voluntate in versum conicio, istosq; modo memorie malefide (qua possum) consulo.

Huiusce laboris mei fructum tibi dicatum & consecratum volui (Nauintone clarissime) quem quidem ego (ex quo aliquid ferè nōsse poteram) optimè noni disciplinis humanioribus omnibus institutum, imbutum, ornatum, consummatum; & minime mihi sit ratio Secreta cur à Secretis sis præcellentissimæ Regiæ Maiestati. In hoc autem pœmate cupio Amori (quo me semper complexus es) consignatum esse observantiæ in te meæ, fideiq; quam defendo, quamq; tibi persuasissimam esse scio, mnemosynam sempiternam.

Dabit autem Humanitas tua mihi veniam, si ut acrior sum paulò *Arrogantior* alicubi commutatis verbis ac sententijs idem dicere videbor: cum mihi iam tum ab initio operis suscepti in animo fuerit, ex multis authoribus *arrogantior*, neq; solum varia, sed & variè scribere: ipsam autem Papiſmi vim, non tam amplam, quàm vastam reddere.

Ante omnia me animus iucessit, intolerandum illum ac deformem fastum Pontificium pro virili contundere, quo, nuper arietarunt in Principes terræ, ipsi reuerà nihil aliud quam terræ filij, & proles verè Titania.

Neq; sanè hic pigmenta aliqua aut figmenta pœtica quisquam expectabit: pluriſ siquidem mihi fuit in Melissâ mea concinnanda racemus Theologiæ, quàm vindemia rei poetiæ.


Epistola Dedicatoria.

In Authorum verò nominibus margini appingendis, ambitiosulus videri nolui. Scribo ista (quod dixit Augustinus) volenti legere, & valenti intelligere; quiq; hæc omnia mecum vel statim cognoscere, vel faciliè poterit recognoscere.

Ad summam: de Papisticâ religione habes hic neq; pauca, neque omnia. Libellulo meo mittat qui volet libellum repudi; ab Honoratissimâ interim humanitate tuâ certus expecto,
αὐτὸν ᾧ δέδωκεν ἄδελφον, αὐτὸν ᾧ ἐγγλετισμὸν συστήμω.

Dignitatis tuæ studiofissimus;

GEOR: GOODWIN.



Argumentum poematis.

Incubuit Satanas ouo, quod tempore partus
Erupit fastu ac fraude, deditq; Papam.
Quàm fatuè faciunt qui rumpunt Aspidis oua?
Id *Romæ* fecit pompa, Papamq; dedit.

Aliud.

Affectata Papam supremæ gloria sedis
Præcipuumq; dedit, præcipitemq; dabit.

In Papatum.

Metropolita fuit nuper Romanus in auge:
Iam perigæa tenet, iam cecidisse timet.
Vasta Papæ, vastata Dei, ruet igne pote st : s
Moxq; cinis fiet, quæ modò sylua fuit.

Aliud.

Creuit, honosq; Papæ decreuit : & inclyta Roma
Floruit, at campi flos brevis ille fuit.

Summa doctrinæ Papisticæ.

Summarum summa est consummatissima, summo,
Summatum fidei supposuisse Papæ.

ELEGIÆ.



ELEGIÆ.

1. *De Papæ primatu.*
2. *De Romani Pontificis authoritate.*
3. *De Sacræ Scripturæ interpretatione.*
4. *De Doctrinæ impuritate in Pseudecclesiâ Romanâ.*
5. *De blasphemo meriti commento, & operibus supererogatorijs, Christo derogatorijs, &c.*
6. *De commento Transubstantiationis.*
7. *De morum corruptelis in vrbe Româ.*
8. *De lucrosâ, sub Papatu rerum omnium nundinatione.*
9. *De horrendâ scelerum omnium licitatione, & puluerariâ apud Anglos proditione.*
10. *De sacris reliquijs, traditionibus, multisq; inuentis mirabilibus.*



De Papæ primatu.

ELEGIA 1^a.

ARGVMENTVM.

ROMA ferè id satagit, quò summus, & vnus, & exlex,
Sitique Hierarcha potens, sitque Monarcha P A P A.

Roma stupor mundi, mitratæ Scena cohori-
Imperij primas Pontificalis habet. (tis,
Hic Papa pro certo Petro successit: & illud
Tam liquet in tenebris, quàm mihi luce liquet.
Hic cathedra à Petro fundata est Pontificalis:
At res plus famæ, quàm fidei, illa tulit. (strum,
Tergeminum inuehitur monstro septemplete mon-
Cui rutilante triplex fronte coruscat apex.
Chrysolitho meretrix Babylonica fulget, & auro:
Coecineum numen, religiosa Lupa.
Hei Petrum & Paulum tenues, auroq; carentes:
Vt vos nunc proauos dedecet esse Papæ?

Syluescit ramis, truncoque extuberat ingens
 Auctus in immensum Pontificalis honos.
 Seruus seruorum iam fit dominus dominorum,
 Nec bipides inter nouit habere parem.
 Definire Papam nescit dialectica: in arctis
 Ille categorijs temnit habere locum.
 Cum non sit, qui scit: desit, qui dicere possit,
 Quæ, quanta, & qualis, sit politia Papæ.
 Omnibus à reliquis Romana potentia differt:
 Omnibus è reliquis non habet illa genus.
 Nec papa ferre parem, nec Roma superba priorem,
 Ille viris præstans, vrbibus ista potest.
 Surgentem titulis, turgentem Numine sedis,
 Ecce tibi Oeconomum, Præpositumque Dei.
 Pompificè ingreditur, cælumq; hinnitibus implet,
 Infano fastu concomitante Papa.
 Pontificum Terrarcha, Monarchicus iste Colossus,
 Regnat in ostentum, terriculumque Gregis.
 Diuitias peperit pietas: sed filia matrem
 Iandudum letho censibus aucta dedit.
 Sacris Mystra præest, tractans Sacra Mystica, Sacrum
 Cui nihil est auri sit nisi Sacra fames.
 Gaudet inaccessso Petri Successor honore.
 Vix alius Decimas huius honoris habet.
 Magnus sedis honos, sed Sedi præstat honori
 Else: quod haud præstat (Roma) toparcha tuus.

At cur est vni successum in Munere Petro ?

Cur reliqui extorres Sedis honore carent ?

Pauli nulla, frequens legitur reprehensio Petri :

Cur quicquam Paulus cesserit ergo Petro ?

Saltem quem supra reliquos dilexit I E S V S,

Ille super reliquos primus honore foret.

Ah nunquam incessit gemmis ornatus & auro,

Ensiseri phaleris, clauigerique potens :

Coccineam indutus trabeam, radiante coronâ

Conspicuus fulgens Persico honore Petrus.

Presbyteris Petrus voluit compresbyter esse :

Presbyteris Princeps arrogat esse Papa.

Non habitum Petrus submissum in Centurione,

Successor Petri in Cæsare sæpe tulit.

Primum Petro tulerat submissio Petri :

Atque præesse Gregi mente subesse fuit.

Piscator Petrus, Bellator pusio Petri :

Petrus humi stratus, non cathedratus erat.

Quid Paulus ? Christi seruis se accenset : an illo

Maior Apostolicus Dux Gregis vllus erit ?

Paulus item vinclâ in Christo celeberrima iactat,

Ergo sit Aufonius maior vtrisque Papa.

Cœlestis regni, sed non terrestri habebat

Christus, & à Christo tradita feuda Petrus.

Si regno hîc caruit Christus : regnine regendi,

Quod sibi non habuit, tradidit ille vicem ?

Lucæ 5. 1.

Num clauēs regni cœlorum, more nouato.

Terreni possunt regni aperire fores?

Tam crasso illudens qui phasmate decipit orbem,

Desipit & sensum mente carentis habet.

Heu ignis fatuus vanissima gloria mundi,

Vt varium à Christi tramite ducis iter?

Eheu, non Christi, sed Mundi scandala vitant,

Qui tam Mundanis Sensibus esse solent.

Præscribit Christus, proscribit dogmata Christi

Prochristus : Christi num gerit ille vicem?

Ius tituli, aut iuris titulum, quo iure tenebit,

Qui præter laruam, nil titularis habet?

Vt titulo gaudet qui rem decoxit auitam :

Sic sine re vano gaudet honore Papa.

Qui Christum Romæ simulat, Satanalia viuitt :

Atque Deum factis, quem colit ore, negat.

Sapè Petri in Cathedrâ malefidus Apostata Sedit,

Quem fateare Papam, diffiteare pium.

Scilicet vt piscis qui petrae concolor hæret,

Hac alios pisces Polypus arte capit :

Sic Petrû, & petrâ simulans, Christumq; subornans,

Decipit incautos Pseudopetreia fides.

Fundamenta latent, tecti fastigia cerno,

Quale sit hoc technæ Pontificalis opus.

Argumento patent, Satanæ vestigia spectro,

Quis sit in hac fictâ religione Scopus.

Iam verò imperium Prochristi disce Monarchæ,
 Quod Christi ex dono vendicat ille sibi.
 Cœlestis Prorex, Petri germanus ΑΠΟΡΡΟΞ,
 Munus habet Christi, fulget honore Petri.
 Pontificum princeps, cancelli immunis, & exors,
 Terrenum Numen, prodigiale bipes,
 Entia transcendens, indemonstrabile quantum,
 Arrogat imperio Solis vtranq; domum.
 Prochristus, Christúsue minor, Christúsue subalter,
 Cum Christo imperium ritè capeffit idem.
 Sub Christo, in Christo, pro Christo Summa pote-
 Tradita Petreio est, clauigeróq; Patri. (Itas
 Sic scripsit *Stapletonus*, amans amensq; Papismi :
 Impar congressus (magne *Iuelle*) tibi.
 Et quidni nomen Papa tetragrammaton omni
 Sit dignum (tanquam Numen) honore coli ?
 Subsolarem Elohim, sublunarémq; Tonantem
 Haud scio cur nequeas nominare Papam.
 Ad montes oculos (inquit Mons iste) leuavi;
 Auxiliúmq; mihi Numinis inde venit.
 Pontifici totus Romano subditur orbis.
 Certa (nisi hoc credas) ima gehenna tibi est.
 Vt Deus obtutu videt omnia prouidus vno :
 Sic dextrè hic totum solus ouile regit.
 Nauclerus Cleri (dum Nauem Ecclesia Christi
 Sancta refert) solus temperat arte ratem.

Agnita Romani cui non sit fistula Fausti,
 Ille Gregis Domini non ouis esse potest.
 Dimensa est alijs, Prochristo immensa potestas:
 Summa Papæ, reliquis Summula cuiq; sua est.
 Tarpeio paret Prouincia vasta Tonanti,
 Tam spacioſa loco, quàm specioſa throno.
 Vt tenuem absorbet rorem mare gurgite vasto:
 Sic regimen maius deuorat omne minus.
 Ergo duces omnes populi, Chriſtíq; ministros,
 Paſtorumq; Greges ſub ditione tenet.
 Pauperis eſt numerare pecus: ſupremus ouilis
 Curio tot paſcit, quot numerare nequit.
 Quin & Concilijs maior, Cleríq; Senatu,
 Præſul hyperbolicus regnat in æde Dei,
 Concilijs iudex, actor, reus, vnus, & idem,
 Nuper erat Dominus Coſmopolita Papa.
 Centimanus Romæ Briareus, ac bellua Lærnæ,
 Nec capitis metas, nec ditionis habet.
 Sed quid concilijs opus eſt, quando omnia rectè
 Definít Sancti Sanctio Sancta Papæ?
 Quin ſine concilijs rectâ ilicet itur ad vnum?
 Vnum, qui punctum iudicij omne tulit.
 Scilicet hic ſolus fidei Symplegadas omnes
 (Concilijs miſſis) expediſſe potest.
 Ad cathedram, Petri acceſſum nequit error habere:
 Sed cathedram Petri conſtat habere Papam.

Et quanuis peccare potest, errare nequibit
In cathedrâ sedeat si speculante, Papa.
Si Balaam & Caiphas dixerunt vera Prophetæ :

Hardingus

Est Papa veridicus, sit licet ille malus.
Quin si Pilatos, vel Iudas vicerit omnes :

Perfidus haud ideo deserit ille fidem.
Iuravit mendax, iurando sæpe sefellit :

Non tamen erravit lubricus ille fide.
Testis Alexander, testis Papa Iulius : istis
Fictâq; facta fides, factâq; fracta fuit.

*Alex: 6.
Iulius 3.*

Quis quæso vt vulpes intrauit Pontificatum,
Regnavitq; Leo, deposuitq; canis ?

Bonifacius 8.

In Christi caulam qui sic intrauit, & aulam :
Hospes, an hostis atrox ? fur, opiferve fuit ?

Sergius Os Porci (quasi commissarius Orci)
Vappalis c. thedræ scomma pudorq; fuit.

Ille Pius Quintus foris atrox, haud pius intus,
Reginam in Britonum quàm furiale tonat ?

Tertius Vrbanus (dictus Turbanus Abaddon
Quæ bella exciuit, quale Papale Chaos ?

Et quales Mundo furias, quas movit Erynneis,
Heldebrandini fastus honosq; Papæ ?

Conclusit Satanam Christus : turbator in Orbem
Conclusum emisit (Roma) Dynasta tuus.

Mox abeat pesum ne Christi Ecclesia, credo

Quenq; Papam properè (morte citante) mori.

O quan-

O quantum hic Præles iam Principe distat ab illo,
 Qui clemens, humilis, mitis, egenus erat?
 Scilicet hic magni generalis Episcopus orbis
 Nescio quid Christo maius habere cupit.
 Quippe caput fidei Christum vix legeris vsquam;
 Se tamen Archipater vult fidei esse caput.
 Inter Pontifices (sic Torti torsio torfit)
 Est Christus magnus, maximus estq; Papa.
 Nil est quod Latio pudeat deferre Tonanti
 Mastigias Domini, Stigmaticosq; Papæ.
 Sola superlatiua Papam, *Sanctissimus*, atque
 Maximus, & Summus: non positiua decent.
 Magnus *Alexander*, *Pompeius* magnus, itemque
Carolus est magnus: *Maximus* iste cluet.
 Sancte pater dixit Christus: *Sanctissime* dicit
 Attonita Aufonio turba Latina Patri.
 Non decet hæc minui, verbisq; minoribus vti.
 Meiæsis Domino non fauet vlla Papæ.
 De titulis Petri non vnum transit Iota:
 Nec de laude Papæ præterit vnus apex.
 Romipetæ infani venerantur poplite flexo
 Pontificis sedem, Pontificisque pedem.
 Sic non primatus, sed suprematus honoris
 Quæritur. Æqualis fit Papa pœne Deo.
 Pontificis titulos Romani Si bene penfes:
 Omnipotentatus pontificatus erit.

Augusti Solij columnen, regiménq; regentum,
Arripuit Latius Protolevita sibi.

Servorum Servus Reges supereminet omnes :

Qui negat, hanc amens hæresin igne luat.

Tam vile & Servile caput, capita omnia Regum

Imperij cogit triste subire iugum,

Rex ouis est tantum, pastor Papa : nonne necesse est

Vt sua Pastori subijciatur ouis ?

Atquæ Christus oues cum Petro traderet olim,

Pasce meas dixit, non (puto) pasce tuas.

Pascere dicuntur Reges : si pascere Reges

Dicantur, quæso, quin Papa fiat ouis ?

Num venit Christus violatum iura Potentûm ?

Vtque suus tonsus Regibus esset honos ?

Omnia sunt Regum tenui pendentia filo,

Si regimen Romæ tale Magister habet.

Omnia sunt Regum funesto obnoxia fato,

Sub pedibus Mitræ si diadema cubat.

Heu quas ob causas tandem, quo Numine laso,

Sceptra luant Regum fulmine tacta Papæ ?

Quid cum Rege Papæ ? quid cum Diademate Mitræ ?

Cum mucrone Petro ? cum ditione pedo ?

Num tam celsa Papæ est, superátq; cacumina Regû

Scala ? nimis celsæ est ima gehenna basis,

Non bona priuatis, sed Regna Regentibus aufert

Nescius exiguis Rebus hiare Papa.

Quæq; Thronis Reges exterminat hæresis: atquæ
 Exiit haud alios hæresis vlla bonis.
 Romanus Molech, & Dagon Pontificalis,
 Insignis Satanæ Bassa Pugilq; Papa:
 Alpha Sacerdotum, gestat pro clave Machæram:
 Nec gladio hic oris, sed gladij ore ferit.
 Hiccinè sit verbi præco, doceatq; popellum?
 Ah magis, & maius, quod meditetur, habet.
 In Lebano Cedros succidit, Montibus Ornos
 Deijcit, & stellas detrahit orbe suo.
 Nec Capitolinus nunc tantum Iuppiter audit:
 Sed Capitolinus Mars auct esse Papa.
 Plagosus Regum *Orbilus*, dum dira flagello
 Insonat, horribili Regna timore quatit.
 Qui sit mentitur Paulumve, Petrumve, Tyrannum:
 Perfricuit frontem, prostituitque fidem.
 Terrorem iniecit populis, non religionem,
 Qui se sub te vult (Christe) præfesse tuis.
Illius imperium est animarum pabulum amarum,
 Quo temerantur oves, non tenuantur opes.
 Vstio Prochristi est, Christi fuit vinctio: vulnus
 Mollius iste fovet, sæviùs ille fodit.
 Sponsa Dei, sunt facta tibi zizania fruges,
 Dum tuus Oeconomus Rex cupit esse tuus.
 Qui sedet in cathedrâ, non desidet. At Gregis illi
 Passio nulla diu, pastio nulla fuit.

Huic opus, huic scopus est Primatus regna tueri :
Cætera nil satagens Erga parerga putat.
Sic de sublimi quasi culmine despicit omnes
Infra se positos, Myrmidonasq; putat.
Parte quotâ, Mitraq; tenus supereminet omnes :
Imponens capitum Montibus ima pedum.
Quin & quò constet ratio pulcherrima facti,
Suadet id à simili iure licere sibi.
Cæsar apum, Rectorq; Gruum, Ductorq; bidentum,
Nonne probant hominum quenq; subesse Papæ ?
Hac primus Mundi Primas, magnusq; *Typhæus*
Pontificum, primas Vendicat arte sibi.
At proprio mucrone caput truncare *Goliath*
Molior, & cristas surripuisse Papæ.
Nam quidni præsit Rex Regibus omnibus vnus ?
Cur non Ductorum est Dux, capitumq; caput ?
Cur Christi in regno est caput aspectabile, quando
Regnum (Christe) subest spirituale tibi ?
Nempe supervacuum, Cleriq; superfluum umbo,
Affingit Regnum prodigiale Deo,
Vt capita Vnius sint dissentanea regni,
Impositum cælo, præpositumq; Solo.
Inter hoc atq; illud magnum Chaos : an coalescent
Spirituale Dei, materiale Papæ ?
Non regnum Christi est regnum spectabile mundi,
Officiale gerens, Organicumq; caput,

Nec bigama est, aut Sponsa biceps, ecclesia Christi :
Æternùm soli iugitur illa Deo.

Si (quaeso) furiale caput Prochristus haberet :
Num foret in Christi corpore tale caput ?

Quinetiam ditata Dei est ecclesia donis,
Et dotata bonis, non nisi (Christe) tuis.

A Christo accepit si Sponsa Ecclesia dorem :
Qua tu dote nouâ (Præful egene) beas ?

Tunc caput Sponsæ ? tum certè Ecclesia corpus
(Quod nimis insulsum est) debuit esse tuum.

Et Papa si caput est, Ecclesia decapitata est
(Acephala, vt Dagon) deficiente Papâ.

Nam caput vt moritur, Mors corporis occupat ar-
Deberetq; Papa Grex moriente mori, (tus.

Id minùs in Christi si morte euenerit olim :
Nempe caput Christus spirituale fuit.

Sic litis caussæq; tuæ cognosce ruinam,
Ambitiose Pater, Cosmopolita Papa.

At verò victus vires à vulnere sumit

Italus Antæus, remq; animosus agit.

Disputat, & solitus rationi cedere nulli,

Argutè stolidus cum ratione furit

Si caput est Pastor, Pastorum si Papa Pastor :

Nonne caput capitum dixeris esse Papam ?

Hæc raris, non ratio, sed deliratio, suadet

Præfatum Ausonii Præfulis esse nihil.

Ecquis

Ecquis enim pastor pastoribus omnibus (vno
Excepto Christo) commodus esse potest ?
Eccui constiterint capitis capitolia tanti,
Vnus homo vt caput tot queat esse capax ?
Delirat læso fatuæ phantasmate mentis,
Qui tale informat, substituitq; caput.
Nam supra est, vltra est, contra est fastigia captus
Humani ex caputū grande cohorte caput.
Forſitan & caput hoc (nec forſitā hoc mihi vanū eſt)
Sordibus vberibus, tuberibúſq; tumet.
Enormis pars eſt, quæ non eſt congrua toti :
Párſq; grauis toti congruet iſta ſuo ?
Sic fulcro, Authoris ſtructura infirma vacillat.
Reſq; ferentis opem fracta labalcit ope.
Indignum facinus, quod ſemper abominer : & quo
Oppoſitum poteret nil magis eſſe Deo .
Petri exlex hæres, Icon pſeudonyma Chriſti,
Præſtigijſ Satanæ, prodigiſq; potens, (deptum,
Monſtrum informe, enorme, ingens, cui Numen a-
Próq; Deo, vtq; Deus regnat in æde Dei.
Peccati manifeſtus homo, tibi pérq, duellis
(Chriſte) quid auxilium præſtat inane tibi ?
Quid pelago fluctus ? quid luco ligna miniſtrat ?
Quid tibi (Phœbe) facem ? quid tibi (Numen) opē ?
Qui facit hoc Romæ, Chriſtoq; obtrudit opellam,
Ridiculæ præſtat Sedulitatis opus.

Prodiga Romani prælatio Pontificaltri
 Nil agit, aut nugas, aut malè, quicquid agit.
 Miror suppetias magno non ferre Tonanti,
 Ut molem Mundi torqueat huius ope.
 Clavis iners, formale pedum, tricrista tiara,
 Et sæpè officiens officiosa manus :
 Hæc sunt hæc Latij genuina insignia Patris :
 Principis hoc proprium Spiritualis opus.
 Ah filicem pro fronte gerit, pro pectore cautem,
 Qui negat hunc Christi corporis esse caput.
 Nimirum acropoli capitis iunguntur in vnâ
 Præsidium Cleri, Subsidiûmq; Dei.
 Agnus (Christe) Dei qui septem lumina pandis,
 Quid tibi cum capitis lumine (Christe) novi ?
 Non est (Christe) tui de Mundo gloria Regni.
 Spiritus in Mundum Regna malignus habet.
 Ergo sub hoc potius potuisset Principe Mundi,
 Sub domino Christo quàm caput esse Papa.
 Lucifer estne caput, desitq; vicarius illi ?
 Illus gereres iure (Superbe) vicem.
 O quoties capitum Romæ diuortia facta ?
 Quotq; simul Pugiles vna cathedra tulit ?
 Dissidijs quoties cacodoxa Ecclesia scissa est,
 Facta biceps geminis, tergeminûsq; Papis ?
 Sæpius hic vtero discordem Ecclesia foetum
 Sensit in Antipapis, pseudopapâque Papis.

Sæpe Equitem excussit (ruptâ cervice sedentis)

Ad cathedram properans ambitionis equus.

Scissâq; quam iactant varijs successio rixis,

Sæpe cathedratae Sedis hiulca fuit.

De capitis titulo, de primæ Sedis honore,

Tanta putatiui bella dedere Papæ,

Vesana ambitio, Titij iecur vsq; renascens,

Quale malæ fraudis dira coëgit opus?

Extendendo nimis serumpit pompa Potentum.

Interitumq; sui tuber & vber alunt.

Scilicet his Pastor supremus præfidet vnus :

Nec tunicam hîc Christi dissona scindit Eris.

Quinetiam hîc templû Concordia struxit : & hîc est

Cor vnum, vna fides, vna via, vna salus.

Heu sed quale caput tibi (sancta Ecclesia Christi

Exstitit, alma fuit quando Papisæ Papa?

Fœmina cum octauum mentita *Iohanna Iohannem*,

Mœcha palam pareret turpe merentis onus?

Ista Iohanna fuit Latialis Episcopa : Verum

Non caput, at Sancti cauda, pudorq; Gregis.

Tu iam Romanos ne Patres dixeris esse

Omnes : nam mater, non Pater, vnus erat.

Heu dirum fati portentum, oménq; sinistrum :

Illæ Papæ illuxit non sine nube dies.

An potuit mulier meretrix succedere Petro?

Androgynus potuit Sanctiùs esse Papa.

At

Dialogo

1^o pag. 47

At Papa fortassis, qui vir fuit antè, repente
Mutato Sexu fœmina factus erat :

Sic scripsit *Copus*, cui parca est copia captus :

Vixq; (puto) potuit plus sapuisse capus.

Hæc est, hæc ipsa est Ecliptica linea, tranans
Per cœlum Ausonium, Zodiacumq; Papæ.

At meretrix saltem debebat honore cathedræ
Excludi Salicâ religionè Papa.

Hoc factum iam Roma negat : sed cætera verè

Qui scripsit, verâ sancit & ista fide.

Iam verò rursus Papa ne sit fœmina, signis

Ante fide dignis se probat esse marem.

Magne Sacerdotum *Gargantua*, num tibi Christus

Est caput ? est (inquis.) Num tibi tale caput

Sufficit ? Affirmas. Quòd si tibi sufficit : oro,

Cur mihi non satis est, quod tibi rere satis ?

Si ratio fauet vlla tibi promiscua, & hosti

Æqua tuo, ratio militat illa mihi.

Sileno hîc titubat iumentum : nec rationem

Expediisse potest phasmatis ipse faber.

Ergo dehinc Romæ Numen, Præsulq; tricornis,

Prodigiosus eris pseudomonarcha Papa.

Et Capitolinus capito censebitur orbi

Nil nisi transcendens Pontificale caput.


Aut cumulus, capitumve chaos : nèq; somniat vllus

Tale Poëta caput, tale poëta Chaos.



Quale

Quale ioci Dominus ius sumit tempore festo,
Talis erit Dominus, ius quoq; tale Papæ.
Lux, oculus, cor, vita, salus, in corpore Christi,
Tam de iure potes, quàm caput esse Papa.
Fundamentum aliud si nemo ponere possit:
Nemo aliud poterit substituisse caput.
Post inter cæcos regnabis Luscus, erisq;
Acephalus Dagon decapitate Papa.
Cùmq; immane caput Bubonibus omnibus vnum
Lucifugijs fuerit: tu caput orbis eris.
Nemo Patrum dixit (sit prisca Ecclesia testis)
Quenquam hominū Christi corporis esse caput.
Dona dedit Christus quibus alma Ecclesia gaudet:
Dona sed hîc Domini nulla fuere Papæ.
Sunt apud antiquos fidei tria Symbola: verùm
Hîc capitis summi mentio nulla cluet.
Nec quisquā meminit quicquā (qui Symbola scrip-
Sedis Apostolicæ, Protopapæue Petri. (sit)
Aut Archiua Papæ nemo Regalia vidit:
Aut visa invidit, ne manifesta forent.
Qui caput ergo fuit, mox orbis fabula fiet
Furtiuis plumis orbus, inópsq; Papa.
Desine (inepte) facem Soli præferre micanti;
Prochristóq; Papâ nil opus esse puta.
Res semper supremæ caput. Consortia summum
Respuit. Ergo nequit sub capite esse caput.

Fabula de Petri Dominatu sponte liquefcit.
Et cathedram Petri vana fufurrat anus.



De





De Romani Pontificis autoritate.

ELEGIA 2^a.

ARGUMENTVM.

*Oceano claustrum est, & cælo terminus : atqui
Septa potestatis nescit habere Papa.*

Antistes toti Romanus præsidet orbi.
Ille vagi imperij libera fræna tenet.
Nulla Papæ non (teste Papâ) concessa potestas.
Illius imperium fasq; nefasq; facit.
Dat, rapit, exarmat, ditat, depauperat, ornat,
Fœdera rescindit, bella cruenta ciet :
Infrendet, sæuit, Mauortius omnia turbat :
Et gladio ambiguus Præsul utroq; ferit.
Cuncta tamen licitè : quoniam generale supremi
Præsulis imperium nil nisi iure facit.
Vertens, invertens, pervertens omnia rectè,
Non violare potest iúsq; piúmque Papa.
Scilicet hic totum generalis Episcopus orbem
Iure Diocesin dixerit esse suam.

Dogmaticè cecinit Faſtorum Naſo ſecundo :

Romanæ ſpaciū eſt vr̄bis & orbis idem.

Extra Naturæ caulas, ipſiſſimus ipſe,

Collegam aut legem nescit habere Papa.

Vrbis & orbis hic eſt coryphæus Episcopus : ipſis

Nubibus inſinuans, Sideribúſq; caput.

Æqualem nescit ſub Chriſto agnoſcere quēquam

Culmen Apoſtolicum, Pontificalis apex.

Sic capit, aut reddit Romana cathedra ſuperbos :

Et ſolitâ hîc Titan ambitione tūmet.

Quod placet, eſſe piū : quod non placet, eſſe piandū,

Arbitrio ſtatuit Pontificante Papa,

Fulminibus terras, furijs Acheronta mouebit,

Ni quæcūq; facit, facta licere putes.

Ex legis Regis ſub leges mittere Senſus,

Eſt magnus, maior, maximus ille labor.

Iuſtitix rector, legum dator, arbiter æqui,

• Nil niſi quod liceat, collibuifſe poteſt.

Oceano terras ſi miſceat, & mare terris :

Fas eſt, quod Caiphas non putat eſſe neſas,

Diruat, ædificet, ius fixum in mobile ſoluat :

Non quiſquam hîc quicquā quod quæritetur ha-
Ecce Papa in mundum venit lux altera mundi, (bet.

Sed tenebras pluſquàm lumina Mundus amat.

Scilicet ad Petri quiſquis decurrit honores,

Non facit ille Papam ; qui colit, ille facit.

Hic se mortalem mortalibus omnibus vnum
Regiè & Egregiè præposuisse potest.
Hic poterit digito monstrari, & dicier hic est
Conspicius Christus, Visibilisq, Deus.
Huius opes Regum superant; superentq; necesse est,
Neu cathedræ desit quod satis esse decet.
Huic omnes Reges debent submittere falces,
Imperiûmq; pedi Pontificale pati.
Iure bono diadema decet concedere mitra:
Mitra Dei mystas, non Diadema facir.
Huic inconculsæ constant fundamenta Sedis,
Quam tenuit Petrus, quam posuitq; Deus.
Huic delegatur primatus in omnia Mundi
Regna, locumque tenet (Christe) vicemq; tuam.
Hic iam Concilijs non tantum Præses haberi,
Concilium totum solus at esse cupit.
Hic Scripturarum tam pleno depluit imbre,
Hæresis vt pereat protinus inde loquax.
Hic si fiat pro fiat dixerit (olim
I V L I V S id dixit) non grauis error erit.
Hunc qui legistam non dixerit esse logistam
Indubium in dubijs, protinus esto Sacer.
Huic vni cuiusq; rei conclusio certa est,
Quauis præmissis turpiter erret iners.
Hic adeò dextrum si dixerit esse sinistrum,
Aut tenebras lucem, non secus esse puta.

*Iulius 2.
Papa.*

Hic est Pontificum magnus præfultor : & huius
 Quenq; Sacerdotum est Signa necesse sequi.
 Impinget tibi crimen atrox, culpæq; reatum,
 Ni quicquid statuat siveris esse ratum.
 Tam facile hæreticum est Latio fecisse Tonanti,
 Quàm facile est saxo comminuisse nucem.
 Audiat hæreticus qui spreuerit Orgia Romæ.
 Ardeat hæreticus qui mouet acta Papæ.
 Hic dedignatur sub iudice vindice litem,
 Sanctior & maior quàm queat esse reus.
 Huic omnes debent, hunc nulli omnino decebit,
 Flectere siue genu, siue aperire caput.
 Huic quoniam fas est quemuis proscribere : qui vis
 Scribere, de vitijs scribere parce Papæ.
 Huius ope in cerâ & plumbo, Bullâq; Breuiq;
 Charius emptori, carius estq; nihil.
 Huic habilis comes est Archangelus vnus & alter,
 Nempe potens Gabriel cum Michael pio.
 Huic vni meritò stat pro ratione voluntas :
 Et iure abiurat iura creata Sibi.
 Extra ius, supra ius, contra iusque potentem
 Affirmant Canones Singula posse Papam.
 Ius alij dicant : Solus dat iura Latinus,
 Qui cathedræ culmen Pontificalis habet.
 Oceanum quæris conchâ concludere, quisquis.
 Finibus includis libera iura Papæ.

Ille leui saltu supra venabula fertur,
Si metuat (tanquam Bellua Sæua) capi.
Fit via vi : rumpit robusta repagula legum :
Nemo Papæ placitis obuius ijsse potest.
Tarpeium intonuisse audin' Salmonea : mutus
Ne non sis tutus) iussa capesce Papæ.
Num vnæ Encelado fumant sine viribus iræ :
Plumbea censentur plumea tela tibi ?
Vas Satanæ, Sobolésq; iræ, fomésq; Gehennæ
Mox eris, ausurus displicuisse Papæ.
Semideus Præful, manifestum in corpore Numen,
Oeconomus summi, Iuridicúsq; Dei,
Extra hominum sortem, mitratus Marchio mundi,
Indocilis Sceptri discere Septa sui,
Symbolicus Christus, Bar Ionæ posthuma proles,
Numen habet Christi, fulget honore Petri.
Quinetiam supra Christum Se Christicus effert :
Petreiúsq; Petrum præful honore præit.
Se (ne Rex esset) turbæ subduxit I E S V S :
Regna Sibi arripuit víq; dolísq; Papa.
Christi corpus equo, Prochristi corpus in alto
Fertur honoratæ Nobilitatis onus.
Regna ostensa tibi mundana à Principe Mundi
(Christe) recusabis : sed capit ista tuus.
Non tibi de Mundo ditio fuit : at tuus omnem
Oeconomus Mundum sub ditione tenet.

Dona

Dona dedit Christus grâs sua : dat quoq; gratis
 Hic sua, sed gratis (dant quia grata) viris.
 In Templo Scortis mercedem Christus haberi
 Noluit: in fisco gaudet habere Papa.
 Expulit è Templo vœnalia Christus ementes :
 Intulit in Templum vendita & empta Papa.
 Et quis iam dubitet (nisi totus forsitan Orbis)
 Hunc Satrapam Christum præposuisse suis?
 Hic fuluo Servus Servorum fulgurat auro :
 Inq; Dei populum fulmina Spissa tonat.
 Hac Nabuchodonosor magnus, Cleriq; Goliah,
 Fulmineâ pavidum territat arte pecus.
 At non (Christe) tuos armâsti his cornibus agnos :
 Bella ferendo pius, non feriendo facit.
 Eirenarcha Papa est? turbarum scilicet hic est
 Molitor, motor, continuûsq; Sator.
 Turbat aquas Mundi; turbatâ scilicet vndâ,
 Piscatur meliùs nassa dolosa Papa.
 Sic Regna infestat generalis Epitropus orbis :
 Sic regimen summum prœndit, ademit, habet;
 Prendit, ademit, habet: Metecrus at iste Sacerdos
 Hic Sibi quicquid habet, iure latronis habet.
 Deponit Reges, disponit Regna, Monarchis
 Omnibus imponit, supposuitq; Sibi.
 Atq; hos vassallos (Satanâ duce, milite fastu)
 Ore triumphali clamat esse suos.

Nempe

Nempe Papæ insigni gaudent conclauia clauē:
Obserat, & reserat, Regibus illa thronos.
Ius populi in Reges statuit: Regesq; vicissim
In Clerum statuit iuris habere nihil.
Nec vi legis erit, sed tantum virationis,
Principibus Cleri subditus ordo suis.
Quod si fortè nequit Dictator Regibus esse:
Astipulante statim plebe Tribunus erit.
Nempe creaturas populi vocat ille Monarchas,
Eius ut ad placitum stentq; cadantq; throni.
Si clauis Petri Petro submittere fasces
Non coget, Pauli mucro coactor erit.
In lepram scabies, in pestem febris abibit,
Si pater hoc Italus longius ire sinat.
Ecce Leo horrificis loca cuncta pauoribus implet,
Et pecudes campi contremuisse facit.
Stant illi ad Mensam Proceres, ad frœna Monarchæ:
Admittitq; Duces oscula ad alma pedum.
Proculcatori tumido Basiliscus & Aspis,
(Nota Papæ vox est) Induperator erat.
Induperatoris manus olim pensile ferrum
Pressit, dum scandit pompa Papalis equum.
Induperatori prono Diadema superbus
Imposuitq; manu, deposuitq; pede.
Subduxit plumas Aquilæ, gemmasq; Tiaræ.
Induperatoris Latromonarcha Papa.

Euge Papam Petro quis successisse negabit?

Quisve Sibi Christum substituisse Papam?

Aurea Sella, rubens stola, lerniscata corona,

Pompa frequens, Mundi gloria, Splendor opum,
Stellantes gemmæ, Scintillantésq; lapilli,

Luxus iners, victus mollis, opima quies,
Persicus ornatus, radians caput, ardua cervix.

Frons redimita, nitens forma, coruscus apex,
Splendidulos digitos agitare, & ad oscula Sacros

Exhibuisse pedes, exercuisse manus,

Et comitum spectare Greges, dum turba triumphans

Clamat, *Aue Regum Rex*, patriæq; pater,

Inq; hominum ferri ceruicibus, atq; Monarchas
Emotos Solio supposuisse Solo,

Et claves gestare Sacras, summumq; tribunal

Sub Christo in terris arripuisse Sibi,

Atq; ipsos Erebi Manes, cœliq; Cohortes

Angelicas, iussis sollicitare suis,

Quinetiam Se ferre Deum, culpæq; reatum

Auferre, & pretio cœlum aperire dato,

Deniq; delicijs fluere omnibus, & Geniales

Infano fastu concelebrare dies,

Hæc sunt hæc verè sunt Sancti insignia Patris :

Hoc retulisse Petrum est, hoc meruisse Deum.

Iamq; quis inficias (nisi sanus Sensibus) ibit,

Oeconomum Summi Numinis esse Papam?

Hic

Hic cœlo donare scelus, fideiq; coronam
Perfidia meritis imposuisse potest.
Proditio obsequium est, & coniuratio cultus,
Insidiaq; fides, Sic statuente Papâ.
Tota Salus vnâ Si publica clade perisset :
Illa (probante Papâ) plaga probanda foret.
Strinxerit in Patris si viscera Filius Ensem :
Purus erit Sceleris, rem tenuante Papâ.
Et quia Prochristus dominatur legibus ipsis,
Legirupa ad placitum (crimine liber) erit.
Fit norma enormis, lex illex, regula cassa,
Cum volet hoc exlex Pontificalis apex.
Et quanquam in Christum sit vox blasphema, beati
Ore remollescet vox ea missa Papæ.
Ille Leo decimus, Papa Sanctulus, horridus irâ,
Quid mihi de Christo fabula narrat ? ait.
Magnificè : Dignus tantæ pietatis alumnus
Cui mandaretur protocathedra, fuit.
At te reuerâ (Prochriste Monarchice) constat
A Christo (titulum præter) habere nihil.
Tu pro terriculo, quo quidvis impius audes,
Gorgona terrificam Relligionis habes.
Hac Reges, hac Regna domas, hac omnia terres :
Hac inimica facis succubuisse tibi.
Hac vtriusq; tibi penitus concessa potestas
Fulminci gladij (te tibi teste) fuit.

Iungatur cum nocte dies, cum luce tenebræ,
 Vnica Si gladium stringat vtrúmque manus.
 Omne decus fiat quod dedecus antea visum est :
 Si decus est Ephod, Si Diadema tuum.
 Te verò festiua *Planum* simulare videtur
 Fabula Mythologi quam tibi Sermo refert :
 Cornua dum fatuus vult inconcessa Camelus,
 Auriculas meritò perdidit ante datas :
 Dum Papa vult gladiū prensator avarus vtrunque,
 Restat vt excussus perdat vtrunq; breui.
 Sic Sic Archetypo quod Petro cunq; reliquit
 Christus, id (aut fallor) constat habere Papam,
 Petri hæres ex asse Papa est : totúsq; petrissat.
 Pontificum Princeps Cosmopolita Papa.
 Nec Deus est, nec homo, nec vterq; sed inter vtrunq;
 Ambiguum, amphibium, prodigiale bipes,
 Semideus, Natura duplex, persona biformis :
 Tam similis Petri, quàm Petrus ipse sui.
 Hunc statuit Deus ipse, Dei Quæsitore vt esset :
 Subq; Deo Cleri summus *Ahasuerosh*.
 Herciscunda fuit quo Ecclesia tempore Christi,
 Tota Papæ cessit : teste Larrone Papâ.
 Huius sunt cœli claues, Regnîq; beati.
 Oeconomus, Sanctis datq; negatq; thronos.
 In Barathrum Inferni (nec debes dicere quare)
 Innumeras animas præcipitare potest.

Alba nigris, antiqua nouis, quadrata rotundis
Mutat is? aut mutis, aut tibi damna metis.
Oestrum acuis, flammamq; fodis, tondésq; Leonem,
Si linguâ increpites liberiore Papam.
Incipiat rugire Leo, Latiúsq; Behemoth:
Illico diffilaris gurgulione Papæ,
Tum verò (atferò) quid sit contemnere disces
Semideúm; virum, Semivirúm; Deum.
Quare maturè (ne bulliat ignea bilis)
Commodiore loco subtrahe ligna foco.
Et nondum elixo si quid tibi consulis, omnem
Pelle moram, & properè subditus esto Papæ.
Non securus eris (credo) cum tanta securis
Immineat capiti nocte diéq; tuo.
Sancte Pater, terrene Deus, supreme Sacerdos,
Ergóne commisit Christus ouile tibi?
Hæccíne Petreix vis delegata cathedræ?
Hócne viri officium, Serviutiúm; Dei?
Túne typus Christi es metewre vicarie Christi?
Tarquinij typus es, Luciferiq; typhus.



De Sacrae Scripturae interpretatione.

ELEGIA 3^a.

ARGUMENTVM.

*Cui semper constat Sacri Sententia Verbi,
Quisq; ducem in dubijs quærat habere Papam.*

Scripturae Canonem Synodus collecta Tridenti
Sanxit in obsequium, Seruitiũq; Papæ.
Scripturae sensus Romano a Presule pendet,
Et Capitolino supplicat illa Iovi.
Ni faciat: Chaos ac tenebras, noctẽq; profundam
In via Lectori Biblia Sacra ferant.
Nempe Dei vox est, quam nemo intelligit, aptum
Non intellectum suppeditante Papæ.
Consule certa Papæ quæ sit Rubrica: legendos
Præbeat ad textus hæc Ariadna viam.
Scilicet hic solus verbi est authenticus Hermes:
Spiritus hoc cathedram pectore Sanctus habet.

Voxq;

Voxq; Papæ vox certa Dei est : & n̄v̄us in vno
Hæresc̄s poterit nullus inesse Papá.

De palcâ granum, testâ nucleum, ossẽ medullam,
Elicit arguti vis aciẽsq; Sophi.

Ergo Sacri Autographi quæ sit sententia certa,
Solut hic est criticus : Scepticus alter erit.

Solut hic ambigui textus Symplegadas omnes
(Scripturæ extispex) expedijsse potest.

Phosphorus Auroræ, quo lucem Ecclesia Christi
Cernit & obscuræ noctis opaca fugat :

Virtutis morumq; Pharus, pietatis amussis :
Iuris honos, Legum Sol, Cynosura fori.

Non tam stella Magis ostendit Numina Christi,
Quàm Papa Christicolis Mystica Sacra Dei.

Scilicet vt purâ Sol imbuat omnia luce :
Sic hic illustrat Biblia luce suâ.

Et quoniam huic cassa est errore paraphrasis : Ergo
Ex illo textus Entelechian habe.

Si non accendas huius de lumine lumen,
Cæcus es, & verbi lux tibi nulla micat.

Omnis in hoc fidei Romanæ vertitur axis,
Qui Petri est hæres, est herus ille tuus.

Quin si corrumpat glosa insulsiſſima textum :
Tutò dogma tamen creditur : ΑΤΤΟΞ ΕΑ.

Ipse ait, ipse negat, iubet ipse, redarguit ipse,
Relligionis Atlas, Bibliotheca Dei,

At (si Sol alterum est) ipse est pietatis Alattor,
Impostor mundi, pseudopropheta Dei.
Ille suam gnomen, Sensumq; didagmatis audax
Ad Scripturam affert, non pius inde refert.
Si reputes quantum violarit Biblia Christi,
Cor, cerebrum, frontem, rere deesse Papæ.
Delphicus est gladius (Sic Romæ Delius inquit)
Regulq; est vitæ Lesbia, Sermo Dei.
Cereus in Sensus flecti, pietatis amissis
Ambigua, & docilis deuia Sensa sequi.
Cum praxi Romæ, cum ritu & tempore currat
Lingua paraphrastæ: vox ea certa Dei est.
Testis (at elinguis) Scripturæ Ecclesia, discat
A Sacro summi Præfulis ore loqui.
Hac œcum enicus Patriarcha, orbisq; Saperda,
Exponit verbum callidus arte Dei.
Et si qua huic nimium concoctu cruda legantur;
Arte paraphrascos mitigat illa suæ.
O Papa doctrinæ columen, Sophiæq; magister,
Cuius honorato pendet: ab ore fides:
(Doctor Doctorum longè doctissime) mene
Discipulum Cathedræ iusseris esse Sacræ?
Certa mihi Petri est, atq; indignatio Pauli,
Ni Tripodi credam (magne Scholarcha) tuo?
Iandudum ausculto. Me actutum oracula Sacra;
Et veram gnomen, Sensq; Sana doce.

Sum rudis, at docilis : non indonatus abibis,

Si docilem doceas, erudiâsq; rudem.

Petrum Christus oues ter iussit pascere : summum

Est Papa sub Christo (colligis) ergo caput.

Christus oues Petro pascendas tradidit : ergo

Concilij est Præses Cosmopolita Papa.

Pascere Christus oues Petrum iubet : ergo necesse

Scripturae Sensus pendet ab ore Papæ.

Pasce : quod est Satrapas, & princeps maximus esto,

Et sese incuruent Regia Sceptra tuo.

Pasce ; quod est cohibe, proscribe, interfice. Sensus

Scilicet hoc Petrus pascere iussus oues.

Gaude Sancte pater, Sat Petri fulsa cathedra est :

Successorq; Petri es, codice teste Sacro.

Maecte nouâ Logicâ, & Spartam quâ nactus es orna:

Stat foris ante fores palma parata tibi.

Christus ait Petro, tu me sequere : ergo sequutus

Est Christum Sacro Petrus in imperio.

Petro firma fides excussa est turbine nullo :

Ergo Papæ eclipsin nescit habere fides.

Cœlestis Regni clauis tibi (Petre) dabantur :

Ianitor est cœli clauiger ergo Papa.

Pro Petro orauit Christus : nequit ergo beati

Petrei;q; patris firma labare fides.

Maecta, & manduca : Petrus caput ergo necesse est :

Nam quod manducat, constat id esse caput.

Ædificata

Ædificata super petram est Ecclesia Christi:

Ergo Petrus Petra est, Petrophilúsq; Papa.
Summe Sacerdotum, redolentis Episcopo famæ,
Qui regis, haud regeris, voce potente Dei:
Romanum in victis Sustentus viribus axem:

Ne properè cœlum Pontificale ruar.
Plura (bone interpretes) Scripturæ examina profer,
Enucleanda mihi Palladis arte tuæ,
Exiguus radius cœlesti à luce beata
Lampadis est alijs: sed tibi grande iubar.
Sacra tibi se tota lubens Scriptura recludit:
Inq; tuos ductus officiosa iacet.

Ex quouis quiduis concludis Apolline dextro:
Et logica est placitis prona sequáxq; tuis.
Sint Scholia indoctis: tibi sponte fit obuia gnome.
Parce oleo & lychnis, Sat sine luce vides.

Non mihi si centum conentur Apollines, artis
Arte sua expedient Vímq; strophámq; tuæ.
Perge Pater, crepidámq; cie, cathedrámq; capeffe:
Aure puer pronâ pendeo ab ore tuo.

Sancta dare haud fas est canibus: Scriptura popello
Idcirco (rudis) Sacra neganda rudi est.

Cætera disponam cum Venero: Apostolus ergo
Composuit Missam, disposuítq; piam.

Denarijs Christus triginta est proditus: ergo
Denarij formam victima Sacra gerat.

Petra fuit Christus : Sint ergo altaria structa

De Petrà, ad Missæ pensa diurna Sacrae.

Non calici, at pani, vitæ promissio facta est :

Ergo potest populo iussus abesse calix.

Hoc comedens de pane per omnia secula viuet :

Panis ad aeternam sufficit ergo dapem.

Clericus in Templo est quasi miles spiritualis :

Fortiter in Satanam cantibus ergo boet.

Ficus inops fici percussa est fulmine Christi :

Legitimè diras fulminet ergo Papa.

Quilibet illius Scabellum pronus adoret :

Sublimem ergo Papam subdita colla ferant,

Turba Sacerdotum de lege interroget : ergo

Expositore opus est Pontificante Papâ.

Qui non audierit, tibi sit velut Ethnicus : ergo

Audiri à cunctis Dogma Papale decet.

Visum est spiritui Sancto nobisq̃ : voluntas

Est recti gnomon ergo beata Papæ.

Iudeis Moses lites determinat : ergo

Muta Dei lex est, lex animata Papa.

Cum Petro Christus soluit didrachma : solutus

Ergo Papa haud soluit, sed capit atq, rapit.

Angelice interpres, Rabbi insignissime, solus

Qui Canonis Sacri Senſa profunda tenes :

Cum cœnem vitulâ, pro cornibus ipse venito :

Tam bene Scripturæ me quia Senſa doces.

Nempe

Nempe Sacri textus mirè suffragia calles,
Quem tibi ceu quendam pſitracon eſſe facis.
Quid porro? deprome tuæ violenticus artis
Fulmen, & hereticos vi grauiore quate.
Non poſſunt Domino qui ſunt in carne placere:
Ergo Sacerdotum nemo maritus erit.
Melchizedech ſine Patre fuit, ſine Matre ſacerdos:
Ergo Sacerdotes non decet eſſe patres.
Eius ſub pedibus poſuit Deus omnia: totus
Mundus hyperbolico ſubditur ergo Papæ.
Lumina magna duo fecit Deus: ergo poteltas
Pontificis maior, Cæſaris eſtq; minor.
Principio cælum, poſt cælum terra creata eſt:
Cæſareo prior eſt ergo Papalis honos.
Effræni carni dominetur Spiritus: ergo
Induperatori præuius eſto Papa.
Aſſolet inferior Nutricius eſſe parente:
Ergo Papâ Rex eſt Pontificante minor.
Peccatrix Chriſti pedibus dedit oſcula: pronus
Oſcula det pedibus quilibet ergo Papæ.
De terrâ aſcendens ſons terras irrigat omnes:
Omnibus ergo præ eſt Coſmopolita Papa.
Mirande Antiſtes, cathedrate didaſcale mundi,
Doctorum columen, gloria, fama, decus:
Argutæq; Scholæ commendatiſſime Præſes:
O quanta eſt Cathedræ fama decuſq; tuæ?

Attonitus Petri radiatum Numen adoro,
 Résq; mihi prior est nomine nulla tuo.
 Mentem acuo, Phœbúm; cio, Musám; laceſso,
 Vt tibi splendeſcat carmine fama meo.
 Docta corona tibi, tibi tota Academia cedit:
 Pallas & ipſa tibi, Phœbus & ipſe tibi.
 Cœleſtis tibi nôſſe datum eſt myſteria regni.
 Solus & à Senſu deuius iſſe nequiſ.
 Tecum preſbytero collatus preſbyter alter,
 Ille minor vitulo, tu boue maior eris.
 Et fanè (quoniam Delphis oracula ceſſant)
 Tu mihi, tu ſolus Delius alter eris.
 Nil facio commenta patrum, nil luminis inde
 Mutuor: illa liquent lumine clara tuo.
 Tu nunquam fallis, tu nunquam falleris vnus:
 Eſt Canonis ſacri vox tua Sacra Canon.
 Sella tua eſt cœlum, ſunt Senſus Sidera: nunquam
 Vllius Eclipſis Sideris vlla tui eſt.
 Omnes theſauri cœleſtis cognitionis
 Pectoris exornant Scrinia Sacra tui.
 Inferni haud poterit contra te porta valere:
 Et fidei Scutum militat omne tibi.
 Quinetiam mens ipſa magis tibi cognita Chriſti eſt:
 Inq; tuo Sanctus Spiritus ore natat.
 Et quidnî totus Iubilæo Hoſanna Salutis
 Hoſanna exclamet Mundus orante tibi?

Quin tu iustitiæ Princeps, & pacis haberis,
(Melchisedech alio nomine, Rêxq; Salem)
Cætera cum Domini Sanctissima nomina Christi
Det tibi sublesta Roma scelestâ fide?
Lux prima est Christus : sed tu lux altera mundi :
Sic tua nos a finos aurea glosa docet.
Est Christo fœlix ecclesia Sponsa marito :
Hæc quoq; Prochristo est Sponsa sequestra tibi.
Est Christus Regale caput, vitâmq; ministrat :
Tuq; subalternum vis caput esse Deo.
Sparta tua est totus, cui Christus præsidet, orbis :
Sit sua pars alijs, orbica cura tua est.
Vna tibi & Christo sunt consistoria : tûq;
Regna sub hoc eadem Præfide præses habes.
Te Cherubim Seraphimque tremunt, te Dæmones
Et peragunt placiti mollia iussa tui. (horrent:
Illico findantur valles, montesq; liquecant,
Et maria arescant, Vociferante Papâ.
Illico flammi vomî rapiant te ad Sidera currus,
Thysbytesq; viâ cedat Elia tibi.
Ensisbus invitis & dentibus, omnia mundi
Rex Regum Regnis asserere Regna tuis.
Tam (Prochriste) tua est Maiestas proxima Christo,
Sæpe mihi imponas inter vt esse nihil.
Et tamen (vt fatear) magnnm discrimen in vno est.
Cætera persimiles Numen habetis idem.

Impleuit

Impleuit legem Christus, tibi rumpere fas est.

Tu dispensator, debitor ille fuit.

Ad placitum te posse Dei dissolvere legem,

Est linguâ factis lingua tacente tuis.

Omnia p. ruertis, cathedræq; licentia quiduis

Tam licuisse facit, quàm libuisse, tibi.

Nunquid adhuc superest? attexe, tuumq; clientem

Iam siue fat lassis auribus ire domum.

Hinc hominum piscator eris: piscabitur ergo

Petreus nassis omnia Regna suis.

Omnia spiritualis homo dijudicat: omnes

Legitimus iudex iudicet ergo Papa,

Spiritualis homo dijudicat omnia: nemo

Pneumaticum Dominum iudicet ergo Papam.

Hic duo sunt gladij: gladius tuus vnus & alter

Ergo erit & Regnum seruiet omne tibi.

Quæ gens cūq; tibi non seruiet, illa peribit:

Gens vectigalis quæq; sit ergo tibi.

Quæ gens cūq; tibi non seruiet, illa peribit.

Subdita Gens esto quælibet ergo tibi.

Omnia sunt eius pedibus subiecta: potestas

Omnis hyperbolico subiaceret ergo Papæ.

Haud poterit quisquam Dominis seruire duobus:

Principe posthabito seruiat, ergo Papæ.

Nemo suum Seruus debet supra esse magistrum:

Nulli igitur fas est increpuisse Papam.

Non Dominum Servus, non aequat Cynthia Solem :

Ergo decet Reges subdere colla tibi.

Talia multa refers commenta, & quidlibet infers

Scripturam obliquans, Archisophista Papa.

Si nisi quæ fuerit Sacro vox consona verbo.

Nulla futura tua est, vix erit vlla tua.

Testibus accitis adhibes tormenta : fateri

Quæ cupiut, renuis : quæ renuere, facis.

Sic pensum Doctoris obis : sic munere Christi

Fungeris, & Domini Senla profunda sapis.

Scilicet insulsè sapis, atq; obtusus acutè es,

Phasmata dum cerebri promissinepta tui.

Chimista interpres verbi das Protea Sensum :


Et veteratorem, dum malè vertis, agis.


Nil tamen invito textu, Sensuue coacto,

Cum sis Scripturae Phœbus Apollo Papa.

Tu verò Scripturae Hermes ? tu Biblicus index ?

Qui negat, huic Sanum Sinciput esse puto.





De Doctrinæ impuritate in
Pseudecclesia Romana.

ELEGIA 4^a.

ARGUMENTUM.

*Romæ incrementum, multis centonibus auctum.
Sapius accepit cusa, recusa fides.*

(phane)

Heu quas Doctrinæ Sanæ (Antichriste pro-
Offundis tenebras, Tartarúmque Chaos?
Dū liquidos vitę fontes, dum polluis haustus
Dulcis aquæ puros, stagnáque spissa fodis.
Peruersę versam Scripturam, authentica mandas
Biblia sub pœnâ fulminis esse Dei.
Respuis Hebræos fontes: quasi fontibus ipsis
Gurgite flumen iners limpidiore fluat.
Pseudographa Autographis miscentur Apocrypha
Indubia ambiguis, Scriptáque nota nothis. (certis,
Passim grammaticus, moralis, mysticus, atque
Sphingicus, in Sacro codice Sensus inest.

Cum tot sint Sacro diuersi in codice Sensus,
 Miror in hoc si quis codice Sensus inest.
 Sic Antichristus sanctissima Biblia Christi
 Explicat, & placitis applicat illa suis.
 Pronus in exsensum sensum, verbisq; Tyrannus:
 Autographisq; frequens Bibliocida Sacri.
 O Talmudistas, Alchimistasq; Papistas,
 Ad placitum balans Pontificale pecus:
 Vt vobis vestra Cynosura authentica glossæ
 Arbitrio Domini statq; caditq; Papæ?
 Pro Scholijs scorijs donastis Biblia Christi.
 Vt Latio faueant sic temerata Deo.
 Nempe Sophistarum generalis Metropolitæ.
 Vos fatuos fabros religionis habet.
 At meritò patitur Sannas, risusq; legentum,
 Dum sic se vatem venditat esse Dei.
 Dogmaticus fidei figulus noua dogmata cudit:
 Christicolasq; sua religione ligat.
 Indignum facinus: Generalis Apostata Mundi
 Dogma Sacrum fidei vendicat omne Sibi.
 Annua solenni statuit ieiunia pompâ,
 In quibus est vesci non leue carne nefas.
 Pisce licet vesci: sed vesci carne prophanum est.
 Quippe Deus terræ, non maledixit aquæ.
 Abba pater patrum, Coryphæe supreme docentum,
 Alpha Sacerdotum, Christiadumq; caput,

Cum

Cum sic promulgas doctrinas Dæmoniorum,
 Te Duce Grex Christi carpit ad astra viam ?
 Iam Satanæ (haud Christi) vis commissarius esse,
 Dum Satanæ partes officiosus agis.
 Scripturas libros appellas Hæreticorum,
 Hæcque datas populi vocibus igne cremas.
 Cumque alijs infint errores mille libellis,
 Igne ferè errores *Biblia sola* luunt.
 Proponis Sacras ignotos idiomate voces,
 Quas rude tam vulgus, quàm petra furda, capit.
 Sancta dabit canibus, Sanctorum Sancta prophanis,
 Qui populi ad captum Biblia Sacra legit.
 Delicias Sacras incondita condit orexis :
 Et veram pascunt pabula picta famem.
 Scenicus explanat fidei mysteria gestus :
 Et populi armentum lignea spectra docent.
 Sic Bethel facta est Bethauen : fœderis arca
 Exulat, & Molech regnat in æde Dei.
 Quid referam bardi glossemata plumbea Mystæ,
 Dum lepidos ludos Biblia Sacra facit ;
 Maiestas violata Sacri Sanctissima verbi,
 Suadet in hoc cœtu Numinis esse nihil.
 Ordo Sacerdotum quondam fuit aureus : ordo
 Ligneus est hodie, ligneo auente Papâ.
 Custodi custode opus est : Doctore docenti.
 Et Curatori pro Grege cura Sui est.

Ignauī, indocti, indigni tolluntur in altum :

Quiq; gradum ad Sanctum nil nisi velle ferunt.

Spissa Sacerdotum stolidorum inscitia, latè

Cymmerijs tenebris fana profana replet.

Concio de Christo nugis temeratur ineptis :

Et castam incesant dogmata praua fidem.

Mixta satis dantur zizania, mixta aconitis

Antidota, & morbo cassa medela nocet.

Siquam habeat frontem meretrix Ecclesia Romæ,

Dixerit his dictis verius esse nihil.

Sin verò inficias ibit (sed & iuit, & ibit)

Tessera proiecti certa pudoris erit.

Iam reliquas offas cacodoxæ religionis,

Scitâq; Prochristi discite nouella Papæ.

Scis quàm mirandum sit purgatorius ignis ?

Hoc animam igne lauas, hoc loculum igne leuas.

Flamma quidem hæc purgat prægnantes ære crume-

Fortis opum Clyster, torrida zona Papæ. (nas,

Imo metalla (licet sint purgatissima) purgat :

Et Nummo stolidos, ingenioq; leuat.

At verò spectrum est hæc flamma cathartica: Mundi

Terriculamentum, picta Gehenna Papæ.

Vt fatuus fatuo fatuos Papa territat igni ?

Vt falso è cælo fulgur inane rotat ?

Nil nisi vox artis, nisi fraus, nisi chimica technæ est

De flammâ fictus purificante locus.

Condere

Condere qui potuit, momento temporis ignem
Si velit hunc opifex euacuare potest.
(Sancte pater) flammis animas torrentibus vstas
Vel releuare potes; vel releuare nequis.
Si potes, & non vis: tibi commiseratio nulla est.
Si vis, & nequeas: est tibi nulla fides.
Elige præcipientem quod te dabit, esse propheta
Siue velis mendax, siue tyrannus atrox.
Talia Romulci phantasmata Dædala fingunt
Pontifices: alio nomine Pompifices.
Voce *Berengarius* scitâ sic censuit illos:
Potificesq; simul, Pultificesq; vocat.
Ast ego (si fas sit) dicam hos plastsque, fabrósque,
Et figulos fidei, Mercuriósq; nouæ.
Nimirum in causâ est hic purgatorius ignis,
Cur patris pulchro splendeat igne focus.
Nam si deficeret bona flamma puerpera nummi,
Frigeret miserè mæsta culina Papæ.
Summe Sacerdotum, generalis Apostole Mundi,
Dogmaticæ Cathedræ magne Scholarcha Papa,
Sit mihi fas Sciolo Babylonis cætera nôsse
Orgia, & occipitis scire reperta tui.
A Christi regno tua doxa eliminat omnes,
Qui non se caulis continuere tuis.
Languida blasphemus atheos censura coërcet:
Protinus exitio est displicuisse tibi.

Nemo

Nemo fuit Maltix te Sæuior hæreticorum,

At reus hereſeos quos agis ipſe reos.

Dum perſonarum ſucceſſio conſtet inanis :

Succeſſus fidei non licet aſſe tibi.

Vt tenebras luci, ſic ſucceſſiſſe fatebor

Arſhetypo Petro réq; pedúm; *taum*.

Eſt tibi iam Caiphæ, non eſt ſucceſſio Cephæ.

Deq; Simone Mago eſt, non tibi ſtemma Petro.

Nempe Annæ & Caiphæ multùm Succeſſio quon-

Nil Chriſto fauit, Chriſticolūmve GREGI. (dam

Non fidei Succeſſum hominum ſucceſſio ponit.

Nec Vagina vacans enſe tropæa parit.

Auditus fidei eſt, non eſt Succeſſio mater.

Nec bonus ordo bonos, ſed pia Vita facit.

Cletus, Anacletuſq; Papæ. Cleménſq; Linuſq;

Quis cui ſucceſſit, dicere nemo poteſt.

Atq; hodie celebres Patriarchis quatuor olim

Turca potens Vrbes quatuor Orbis habet.

Hæc (puto) Prochriſti Chriſto eſt ſucceſſio, cœtu

Quo Prochriſtus adeſt, Illico Chriſtus abeſt.

Succeſſe lupi atroces Paſtoribus : olim

Id fore prædixit Paulus, Aménq; Dei.

Perſonate pater, laruate Vicarie Chriſti,

Qui Satanæ in terris vimq; vicémq; geris :

Pande tui reliquam mihi Syntheſin *Alcorani* :

Méq; doce tripodis Scita nouella tui.

*Hieru-
ſalem.
Antio-
chiam.
Alex-
andriā.
Conſtan-
tinopo-
lim.*

Posse statuta Dei impleri tua sanctio sancta est :

Et plusquàm impleri posse statuta Dei.

Implet ais iustus : sed qui perfectus habetur,

Plus quàm quod fieri lex iubet, ille facit.

Méne penes verò est legis præstatio ? legem

Cur sub lege Deus præstitit ergo mihi ?

Me lex occidit, me lex persundedit ? impos

Vitæ, quod vitæ munus obire queam ?

Arbitrij vires, & Naturalia pura,

Effers in Christi sanguinis opprobrium.

Vt sit ad æternam firmata electio vitam,

Non vis hoc figulum, sed penes esse lutum.

Peccatum indûxti (secluso Sanguine Christi)

Quod veniale crisin mortis habere nequit.

At quod tu excludis peccatum à sanguine Christi,

A regno excludit, concilióq, Dei.

Dum per legis opus te credis habere salutem,

Omne tuo soluis dogmate legis opus.

Quippe Dei fixam te posse refigere legem

Multa tuæ Cameræ Sanctio testis erit.

Culpa (ais) abluitur, non pœna, in sanguine Christi:

Tu verò indulgens tollis ▼tranq; simul.

Interdum pœnam retines, culpámq; remittis.

Culpa remissa rei est ? pœna retenta reo ?

O quàm Romulei fauet indulgentia Patris ?

Soluit hic, & plectit, rémq; reúmq; simul.

Flat simul, & sorbet; paritéq; calefcit, & alget:

Quæq; ligat, soluit: quæq; soluta, ligat.

Nec mala condonat, quæ non condemnat: & iræ

Non facit esse reum, quem tamen esse facit.

Hæc Romana fides debet ludibria Mundo:

Et cuius tandem concoquat ista fides?

Qui confirmatur per Sacrum chrisma, malorum

Contra Spirituum prælia robur habet.

Est Seruus Christi benedicto à Chrismate dictus:

Nec Christi est, si cui Chrisma Papale deest.

At Calvinistæ (quanuis fremuere Papistæ)

Chriftatis hoc ocreas vnguinẽ sæpelinunt.

Quatuor instituit ieiunia Sacra Calixtus,

(Nam totidem quartas corpus & annus habent,

Quatuor humores, elementaq; quatuor orbis,

Quatuor ac obolis quatuor oua valent.)

Vt Petrus Piscator erat: sic piscibus vti

Gloria Petreæ Relligionis erit.

Non Sacramentum fuit olim pœnituisse:

Iam Sacramentum est pœnituisse nouum.

Est fidei in Christum pignus Baptisma iugalis:

Et nos *Prochristo Symbolon* vnit idem.

Externa æternam Baptismi lotio vitam

Confert: fitq; hominis pensilis inde Salus.

Hîc sal, hîc oleum, Magicæ artes, rancida sputa,

Illudunt populo (Christe supreme) tuo.

Horrendum

Horrendum facinus Romani Pontificaltri,
Qui temerat fœdus, chirographumq; Dei.
Qui septem numero non Sacramenta fatentur,
Hos ais hæreticos hæresiarcha Papa.
Nam septem vitia, & virtutes ordine septem,
Signa docent totidem fœderis esse noui.
In sacrâ cœnâ (quasi sint tua vina venena)
Non bibit hæc populus dira aconita tuus.
Quippe hîc nil siccus conuiua pitiscat : & à me
Dicit (at inuitus) transeat iste calix.
Altera Sacrilego cœnæ pars tollitur ausu ?
Restat vt obtentu tollat vtranq; pari.
Vtraq; Missifico species datur, vna popello.
Si satis vna Gregi, quin satis vna tibi ?
Scilicet alterutrum qui sumit, sumit vtrunq;
Sanguine nempe venit concomitata caro.
Integra si specie sint Sacramenta sub vnâ :
Integra cur non sunt sic data Sacra tibi ?
Et si plebeijs elementum sufficit vnum :
Iam (quæso) alternâ Grex vice vina bibat.
Ipse suum nobis Christus Pincerna cruorem
Cum dedit : an potis es detinuisse Papa ?
Est medicina (inquis) confessio criminis : atquî
Carnificina Gregi est hæc medicina tuo.
Felle & aceto animam sitibundam pascis amaro,
Peccati pœnam dum miseranda luit.

Heu tua quàm seua est clementia quàm tibi crudum
 Pectus, amûrq; atrox (psychotyranne Papa ?)
 Nulla tibi est laudis, multa est confessio fraudis,
 Quam bibulâ Myltes callidus aure bibit.
 Scilicet interdum Confessor ineptulus audit
 Crimen, & absoluit (te recitante) tuum.
 Tûne soles alijs peccata remittere? certè
 Si potes hoc alijs, tu potes ipse tibi.
 Est absoluentem tibi fas absoluere : quippe
 Cœlorum pendet clavis ab ore tuo.
 Omnibus ignoscis peccantibus omnia, *Romæ*
 (Vt tibi dent aliquid) qui iubilæa petunt.
 Delet commissum indulgentia, delet omisum.
 Et plus ipsa Dei passio nunquid agit ?
 Certos, quos *Sanctos* canonizas, else salutis
 Afseris, incertus, num tibi certa salus.
 Tûne tenes alios, & nescis tute teipsum ?
 Estne oculata foris mens tibi, cæca domi ?
 Non tibi tu credis, dum vis tibi (perfide) credi ?
 Quando sapiis reliquis, desipis ipse tibi ?
 Euge tripartitæ cœlestia Scita Tiaræ :
 Euge Petri Cathedram, Perrigenámq; fidem.
 Tûnces *Bezaleel* Delubri spiritualis ?
 Iure pari *Babel* audiat arca Dei.
 Furfuris eiusdem (nam pars hic nulla farinæ est)
 Dogmata procudit mille saperda Papa.

Quid memorem cultúsq; nouos, ritúsq; prophanos,
 Queis propè relligio est tota sepulta Dei?
Nugarum Mater prægnans Ecclesia *Romæ*,
 Multâ infida fide est, impietate pia.
Est Paganismus maiore ex parte Papismus,
 Fertilis in cultus luxuriare nouos.
O Simulacricos dirâ impietate Papistas,
 An Deus est vobis, quæis liquet esse deos?
Inuidus excubias (vobis stertentibus) egit.
 Et Sannas Satanas sæpius inde dedit.
Vana Superstitio Psalmos demurmurat: atq;
 Dinumerat globulis pensa diurna Deo.
Clamores morésq; chori memorare prophani,
 Post erit ansa loco commodiore mihi.
Quid facit interea Cleríq; Choriq; magister?
 Vt te (Petre) refert? vt docet ille Gregem?
Scilicet hanc curam ablegat cuicunq; volenti:
 Et lapis ipse triceps prostat in æde Dei.
Hoc ego pol sensu fateor, sempérq; fatebor,
 Else Papam graphicè, grammaticèq; Petram.
Quinetiam quouis certârim pignore veri,
 Nil magis esse petram Pontificante Papâ.
Nempe filet *Latius* verbo, sed verberare duro
 Sæuit: amoris inops, arma timoris habet.
Verbera producit, suspendens vbera: Sancto
 Sic fauet ille Gregi, sic litat ille Deo.

Vera laboriferi *Paulus* pastoris imago
 Et *Petrus*, haud munus sic obiere suum.
 Scilicet vndantes dum regni torquet habenas,
 Dum Regum lites, diuidiâsq; secat:
 Otia dum minuit curis ingentibus: isti
 Iure licet Sacris rebus abesse Ioui.
 Si cuncta annorum reperas monumenta: docentem
 In Grege viderunt secula nulla Papam.
 Reuerâ Christum (Prochriste) imitaris in vno:
 Pane perexiguo millia multa cibas.
 Grex vitâ debet pastori charior esse:
 Quid tibi non constat charius esse Grege?
 Heu stupidum, ignarum, cæcum, miserabile vulgus,
 Cui vitæ & verbi lampas adempta sacri:
 Ut vobis caligo dies, seductio ductus,
 Cor rude, mens sterilis, spes vaga, vana fides?
 Millibus in mille est armenti Pontificalis
 Gottica barbaries, Vandalicûsq; stupor.
 Sabbata qui violant Christi turbando quietem,
 Innumera est *Romæ* vana, vagânsq; cohors.
 Nec minùs est pastor custos Erymanthidos Vrsæ,
 Quàm Papa, qui sanctum pascit ouile nihil.
 Quî cæcum & claudum de templo tolleret, ipse
 Cæcus, & am sancto claudus in officio?
 Implicitam tenuisse fidem sanctissima vulgi est
 Relligio, & pietas maxima scire nihil.

Non hoc pingue Sacrum : sed egenū, debile, macrum.

Non Gregis hoc vires : pro Grege virus habet.

Sic animis captum (tanquam exoculata Cyclopum.

Agmina) Prochristus gaudet habere Gregem.

Dum statuis populum doctum vult : ipse vicissim

Fit statua, & populum vult docuisse nihil.

Dum templi externi splendet gloria : viua

Templa Dei pesum funditus ire finit.

Dum Sibi prospiciat, cathedram dū dicit, & ornet :

Christe vale, tuus est proximus ipse Sibi.

Imo vale, vt valeat *Praeses* tuus : vsq; valebit

Iste tuus melius, si prius ipse vales.

De laxis fieri panes (quasi Dæmonis arte)

Et populum in statuis mandere Saxa iubet.

Quid sit vera fides, inquirere desine : ritu

Romano praestat praecipitare fidem.

Scilicet antistes Sacrosanctæ religionis

Hoc pecus infirmum fomite lactis alit.

Impostor pastor, Doctor Seducor, ouili

Sicne ministrantur pabula sana tuo ?

Dum malè sic animas pascis, vel pabula demis :

Da Satanæ has animas, cætera tolle tibi.

Quando Dei in templo stas vt Marpesia cautes,

Credidero stupido num tibi stipes ego ?

Vin' tibi sic credi, sicut te credere credis ?

Creditur is mentis, qui tibi credit, inops.

Presbytero

Presbytero credat plebs, Pontificiq; Sacerdos,
 Præful concilio, conciliúm q; Papæ :
 Subijciant Sensus vnus Sensibus omnes :
 Sic Grex vnus erit, sic erit vna fides :
 Hæcine Syntaxis fidei est ? hæc aurea verè
 Credenda ? Id nobis credat Apella prius.
 Magne Sacerdotum Coryphæe porismata vellem
 (Pace tuæ Mitræ) cætera scire tua :
 Si reliquâ attexas fidei cacodoxa, profecto
 Optabo triplex crista sit apta tibi.
 Ebria Sanctorum Sanctissima Sanguine *Roma*
 Mirificâ Sanctos relligione colit.
 Verè ais, & verum veraci credere certum est.
 Tu iam quæ verè dixero, crede mihi.
 Non Papa tam Sanctis, quàm Scortis calliparæis
 (Antiquâ *Rome* relligione) fauet.
 Nomine sub Christi, quæ sunt contraria Christo,
 Multa Cathedratus cudit inepta faber.
 Pyxidas ad Satanæ subscribit nomina Christi,
 Fraude paludatâ vt perdat ouile Dei.
 Toxicæ dulciculo mandit circumlita fucò
 Vulgus, & antidoto mista venena bibit.
 Prochristus Christi nomen, non Numen adorat :
 Et minùs est Christi, quàm memor ille Petri.
 Petro templa dicat, Petro Solennia præstat :
 Vultq; Petrum fidei Christidos esse Petram.

Petrus adorari Se viuum noluit : atquĩ
Mortuus in statuã cogitur esse Deus.
Vixerunt quondam tenues in corpore Sancti :
Sanctorum statuas pompa stupenda tegit.
Seruatric hominum fit virgo Deipara : quæq;
Nato iure potest inperitare suo.
Nec tot Christicolas (tanta est reuerentia Matris)
Quot Mariolatras Secta Papalis habet.
Cum Genetrice suã regnum cœleste Redemptor
Diuiduum fecit, dimidiũq; dedit.
Hæc illibatã Natalis origine puri,
Filia *Supremi*, lilia vincit agri.
Pulchrior hæc Phœbo, Phœbe speciosior, astris
Clarior, Aurorã Lucidiõq; Dea.
Stella Sali, Patrona Soli, porta aurea cœli,
Fons sine labe nitens, intemerata rosa,
Solamen miseris, spes, anchora, portus & aura,
Et quid non crasso dicitur illa Papæ?
Quæ tulit in Mundum promissum fœmina semen,
Sustulit è Mundo pœne quod antè tulit.
Ad vetera hæreticõn deliramenta relapsus,
Herefcõn recoquit vilia frustra Papa.
Funesta aurato cratere venena propinat
Vt dirã imponant pocula pulchra lue.
Si Christus Mediator erit, cur quæritur alter?
Mille tamen quærit, mille Papista colit.

Ocæcos, surdos, fatuos, stupidósq; Papistas :
 Nulla Prophanorum tanta Mania fuit.
 Martyris innumeri veneratur pulchra sepulchra
 Lictor atrox Satanæ, Martyricida Papa.
 Vastator fidei, dum Sanctum cædit ouile,
 Heu tibi Sacrificat Sanguine (*Christe*) tuo.
 Agnus adoratur pictus, viuúsq; voratur.
 Sic Sic religio est Nobilitata Papæ.
 Hunc ego (si fas sit) iam dixero relligiosum
 Vel catacatholicum, vel cacon esse Lycum.
 Tota vndante fluens Ecclesia Sanguine, dirum
 Sanctorum lanium clamiter esse Papam.
 Sanguinis hic campus, vel *Aeldama* (Sæue Sacerdos)
 Te facit esse lupum. Nouimus esse lupam.
 Heu quot testantur, quot detestantur adusti
 Sacrilegam *Romæ*, profluuiámq; fidem?
 Qui dedit, atque datam mox rescidit : extitit olim
 Non Petrus ille Simon, sed Vaser arte Sinon.
 Non in Concilijs fuit hospes ab hospite tutus
 (Concilium memini conciliasse necem.)
 Stella Gregis Sancti cnm pastor debeat esse :
 In Grege Prochristus stella canina furit.
 Sauciat, haud sanat, pecus ægrum : nec cataplasma,
 Sed catapultæ ferox sit medicina Papæ.
 Non tu tot (credo) clades stragésq; dedisti
 Inter ouile Dei Synchrone *Turca* Papæ.

Eheu, quàm sponsæ vir verè Sanguinis hic est,
 Qui Sobolem sponsæ cædit, & igne cremat?
 Innumeros furibunda Papæ vindicta coëgit
 Fata Maris, Martis, Mortis acerba pati.
 Nempe Papa à Satanâ differt, quòd (teste popello)
 Cornua sunt Satanæ, tripla tiara Papæ.
 Cætera concordant: *Satanissimus* iste Sacerdos
 Tam Satanæ satagit, promouet, vrget opus.
 Illi tempus erit, cum magno optauerit emptum
 Intactum cœtum, membrâq; viua Dei.
 Nec verò hic solum fariatur cæde piorum:
 Effodit infans sæpe cadauer humo.
 Nec pasta in viuis illi post fata quiescit
 Ira: sed in manes sæuijt hostis atrox.
 Heu natis orbata suis Ecclesia luget,
 Imploratq; tuam (Summe Redemptor) opem.
 Dira refert accepta Papæ tormenta Suorum,
 Quòdq; micet flammis, quòdq; cruore fluat.
 Illa rosas grauitè mœrens modò protulit: olim
 Candida quæ miti lilia pace tulit.
 In medijs flammis, flammis illustrior ipsis,
 Martyr amictus erat plurimus igne tuus.
 Nec pluuiâ telluseguit, quo fertilis esset:
 Diluuiò potuit Sanguinis esse ferax.
 Fundator Satanæ, *instauratôr*q; Papatus,
 Consolidat Regni Sanguine fulcra sui.

Dum timuere mori serui post tempora mortis
 (Christe) tui : in vita non timuere mori.
 Hic apud Angligenas, faulrix Regina Papistis,
 Vna quot indigenas torruit igne pios ?
 Nec de plebe pios : sed quos decus extulit ingens,
 Præfulbus struxit quinque; *Maria* pyram.
 Ex utero Matris labentem, & rursus in ignem
 Coniectum infantem (crude tyranne) vide.
 Sic hominum horrenda lanienâ Nobilitatur,
 Non aliâ claret Nobilitate Papa.
 Setuorum Seruus conseruos cædit, & istos
 Cædendo, Seruus proditur esse malus.
 Bellum infert sanctis : bellôq; cruentior ipso
 Ora Draco Latius Sanguine tetra lauat.
 Vnius exiguo regnantis tempore Monstri
 Centum hominum Annales millia caesa ferunt.
 Tertius ille *Nocens* (In demo necesse *Nocenti*)
 Vnâ tot morti millia clade dedit.
 Sanctorum (ô verè sanctis lugenda) legenda,
 Martyris innumeri sanguine lota rubet.
 Ah mihi cæforum funestant funera vitam,
 Quòd fuerit toties his homicida dies.
 Dum Iego tot clades famulorum (Christe) tuorum,
 Lumina mox cupio flumina nostra forent.
 Nemo non nouit lanienam Parisiensem
 Quotq; neci infantes hebdomas vna dedit :

Dum

Dum minùs est illo vini, quàm sanguinis hauſtum
 Tempore: tempeſtas ſanguinolenta fuit.
 Diſcite iuſtitiam moniti, & non temnere Chriſtum,
 Quos properè Lanijs hæc laniena dedit.
 Eheu, non ouium paſtor, depaſtor habendus
 Talis alaſtor atrox, trux ouicida Gregis.
 Qui ditione potens fit perditione piorum,
 Hic properat perdi Sonticus igne Dei.
 Omnia (Chriſte) tui ſuperant tormenta ferendo,
 Tollere quæ nequeunt, hæc tolerare ſciunt.
 His vitâ caruiſſe, frui eſt: poſuiſſe, potiri.
 Et ſuperâſſe, pati eſt: & ſupereſſe, mori.
 Aurum homini pietas, flamma eſt afflictiô, mundus
 Olla, caro calamus, malleus ipſe Deus.
 Sanguine fundata eſt eccleſia, Sanguine creuit:
 Sanguinis imbre mader, Sanguinis amne rubet.
 Sanguine Prochriſtus ſcœdauit ouilia *Chriſti*.
 Iſta Papæ eſt pietas: Iſte vir, iſte Dei.
 Plurima Doctrinæ cacodoxæ fruſta ſuperſunt,
 Quæ ſuperant Elegi Septa recepta mei.
 Librorum clades expurgatorius index,
 Haud occultatæ futile fraudis opus.
 Multa vel eradit quæ ſcripſit docta vetuſtas:
 Multa vel arrodit non placitura Papæ.
 Hæc verè natos iugulat, cenſura libellos,
 Atq; adimit notos, ſubſtituitq; nothos,

Dirum, horrendum, infandum, atrox, crudele macel-

Omnibus & libris carnificina pijs. (lum :

Verè ipsi Spurij (non Patrum stemma) Papistæ

Esse patres clamant, esse, ter esse Suos.

Postillæ plostella ferè sunt quisquiliarum :

His qui nil Sapidi sentit inesse, sapit.

Traditionistas liquet omnes esse Papistas,

Qui Scripturistas nos agitare solent.

Non quæ, non quales, non quot sint Traditiones,

Non ubi sint dicit, scitue Saperda Papa :

Et tamen has Sanctè seruandas præcipit : hâsq;

Cogit honori petas codicis esse Sacri.

Quod nulla est Scripti, quod nulla est portio verbi,

Vim scripto & verbo cogit habere parem.

Sic *Clementinas*, sic *farcinulas asininas*,

Quêis pulchrè ornatur Bibliotheca Papæ)

Et Decretales, & nugas nescio quales,

Vult corriuales codicis esse Sacri.

Huic Sacer est codex sine Sacri codicis vfu :

Plus opis ex alijs venit, opúmque, Papæ.

Reliquias potiùs curat, quàm religionem :

Nec tam vult aras, quàm cupit ille focos.

Qui Sontis tollit Mundi peccata, beatum

Conficit hunc agnum cæca malsa Dei.

Æternam quicunque, vult meruisse Salutem :

Oscula det pedibus protinus ille Papæ.

Mixta

Mixta aqua cum vino (Romano more) popellum
 Cum Christo iunctum sanctius esse docet.
 Quam factam è spinis gefisti (Christe) coronam,
 Hanc capitis rasi glabra corona refert.
 Impositus Gallus supra pinacula Templi
 Omnes cum Petro pœnituisse monet.
 Cereus accensus mediæ in solatia lucis
 Promissum lumen Gentibus esse docet.
 Lumen at hoc animi tenebras, mentisq; recessum,
 Et liquido auriculas arguit esse Papæ.
 Quinetiam prodit latebrosâ in Nocte Papistas
 Viuere, nec clarâ luce videre diem.
 Multa fides feruet capitis, rarissima cordis :
 Dúmque bonum iactant, non operantur opus.
 Sæpe *Pater Noster* dictus peccata remittit,
 Si petis, & repetis, térque quaterque petis.
 Hæc ego sic gusto, vt Christus gustauit acetum :
 Quæ lego, quæ gusto, nil probo, credo nihil.
 Quid sit virtutis crucifixi in Sanguine Christi,
 Id *Cleopatra* Papæ Mimica *Missa* docet,
 Calliope, Philomela, Charis, Polyhymnia, Phyllis,
 Melpomene, Euterpe, Suada, Melissa, Venus.
 Hanc pro *Palladio* Romanæ Relligionis,
 Proque *Ideâ* fidei Pontificalis habent.
 Hic Meretrix Byssò Babylonica fulget, & auro :
 Spurcâque candenti Sindone furta tegit.



Transparente tegit probrosa cubilia veste,
 Ne non hanc cernat quilibet esse lupam,
 Sponsa Papæ magno precio parat ora decora :
 At Satanæ poterat larua minoris emi.
 Omnibus infanis, & sanis omnibus, omni
 Tempore, Saluatrice Missa medela venit.
 Si porci agrotent maculosâ carne Misselli :
 Sancta salutiferam Missa rogabit opem.
 Cœna malum veniale leuat : mortalia delet
 Missa mala, auxilium, vîsq; propinqua Dei.
 Qui Missam audierit, non illa luce senescet,
 Si sua Missanti debita dona ferat.
 Nempe Policesant (Missâ haud cessante) moueri :
 Lascâq; tum Lachesis ponere fusa solet.
 Hic pro defunctis, viuîsq; precatur, & offert,
 Sancta (ô *Messia*) Simia Missa tibi.
 Quinetiam hic Christû (stupor est mirabilis) vnctus
 Mysta reconciliat Sacrificando patri?
 In Cœnâ te (Christe) pater credentibus offert :
 Nunquid te in Missâ denuo Mysta Patri ?
 Hostia tu nobis es (Christe) idémq; Sacerdos :
 Quid simile absimilis Missa Papalis habet ?
 Heu detestanda pandectas impietatis,
 Quas nunquam missas Missa prophana facit.
 Protinus ad Missam si quisquam admittitur vsquâ,
 Ille facit missam cum pietate fidem.

In Scenam Christi cœnam mutauit : & istam
Ridiculè Scenam Mimus ineptus agit.
Plus Paulo & Petro, & Christo sapuisse videntur,
Qui Missæ ritus instituere nouos.
Sacrificus missat, dum plebs Missæ inscia mussat :
Dúmque vagas preculas stulta susurrat anus.
Lingua aliena sonat, vox est ignota loquentis :
Et vitreum vulgus vas ibi lambit iners.
In vacuo ludos spectare iubebo theatro,
Orgia qui Missæ vult, adit, audit, amat.
Non audit, quisquis quod non intelligit, audit,
Et videt incasum, qui sine mente videt.
Fert animæ ratio, non fert oratio lucem,
Nec consensus adest, si modo sensus abest.
O bene quàm Missam lepidam, Mystámq; iocosum,
Dalmaticâ indutus Cercopithecus agat ?
Sæpe mihi pectus quatitur crepitante chachinno,
Dum lepidæ Missæ sacra faceta lego.
Dulce melos, suauésq; tonos, nugáq; canoras
Cantillat Siren relligiosa Papæ.
Artibus his mundi Reges illectat, vt omnes
Nectar adulterij spirituale bibant.
Quinetiam Christi lytron, preciúmq; salutis
Vendit : & in quæstu pro meretrice sedet.
Scilicet vt verè sis saluus sanguine Christi,
Messiam Missam crede, Popámq; Papam.

Si vis mercari tollentem crimina Mundi :
 In Mifsâ haud multo vāniet ære tibi.
 Vna tibi precio empta leui merita omnia Christi
 Applicat, & solidè Miffa tenere facit.
 Desipuit *Caiphas* tanti stipularus Iēsum
 Prodendum : poterat nempe minoris emi.
 Formidande *Deus*, magnique rotator Olympi,
 Aspicias, & pateris ? Siccine Sacra tua,
 Iustitiam, fœdusque tuum, sanctamq; Salutem,
 Prostitui toties impietate Papæ ?
 Tantane te mitem emollit clementia, Miffam
 Iudicio vt possis vltiōre pati ?
 Tantane te mitem emollit clementia, Miffam
Messia vt munus surripuisse finas ?
 Sera venit, sed certa venit, tua pœna prophanis :
 Irâq; zelotypi sera seuera Dei est.
 Vt grauius ferias, tollis cunctantiùs ensē :
 Pesq; tibi ex lanâ est, sed chalybæa manus.
 O Satanæ inuentum, cœnæ damnabile bustum,
 Mafsa execrandi Miffa, struēsque mali.
 Tam dirum idolum, tam detestabile monstrum,
 Fecisti in sancto stare (*Prophane*) loco.
 Tūne Dei ædituus ? Fidei tu lucida lampas ?
 Depositi custos ? Archileuita Dei ?
 Te temerare fidem, te Templi ac Numinis hostem
 Else, meum Mundo syngrapha carmen erit.



Dum

Dum mihi pulmo calens animā rotat : impia Roma
Cos erit, & viuax carminis ira mei.
Dúmque datur versu quod vapulet : impia Romæ
Missa dabit pœnas, carmine cæsa mee.



K 2

De





De blasphemo meriti commento, &
*operibus supererogatorij, Christo
 derogatorijs, &c.*

ELEGIA 5^a.

ARGUMENTVM.

*Pellicis inscripta est fronti blasphemia, & illud
 Frontis in hoc poterit dogmate stigma legi.*

Q Vis fando numeret blasphema tonitrua lingue
 (Pseudoprophetarum Pseudopropheta) tuæ?
 Christus (ais) meruit, possis vt tute mereri:
 Et merita illius sanguine tincta crepas:
 Cum meritis Christum misces, diramq; Chimæram
 Concretam ex operum merce, fidēq; facis.
 De meritis miras fraudes meditaris: & ipsum
 Nescio quid Christum vis meruisse Sibi.
 Mercaris meritis (nam sic stipularis ab ipso
 Astipulante Deo) Regna beata Dei.

In meritis proram statuis, puppimq; salutis :
 (Fidis enim Christo pro meritante fide.)
 Sola fides est nulla fides, exangue cadauer,
 Massa rudis, spectrum futile, pœne nihil.
 Cum meritis (inquis) mediatrix gratia saluat :
 At Spes est vni fidere vana Deo.
 Mens vni confisa Deo, confusa recedet :
 Non confusa tamen, quæ tibi fidit, erit.
 Fit medicina fides : medico nil credere prodest,
 Si nihil ipse facis, nil medicina facit.
 Pro meritis miserere Deus, miserere, precaris :
 Et velut ex pacto, quod petis, omne petis.
 In cœlum audacter meritis perumpere tentas,
 Atq; inferre throno tēq; tuósq; Dei.
 Vt nebulam *Ixion*, sic hæc amplecteris : idque
 Pro pietate tuâ, proq; Salute tuâ,
 De meritis spumas & frustra superflua vendis,
 Ægrotóq; offers Pharmacopola mihi.
 Quisquis inops meriti est, à te Sibi sumat abundè,
 Nam risco & fisco est merx ea priua tuo.
 De meritis aliquid iustus supererogat (inquis)
 Et meruisse potest quis Sibi, quidq; Suis.
 De meritis verè talis superarrogat : atq;
 Nil habet ipse Sibi, quid dabit ergo suis ?
 Sanctorum merita expilans, vt vendere possis,
 Es meriti furax, non meriti ipse ferax.

Miror vbi hæc fuerit meritorum capsula quondam,
Quando Patrum Isacidum turba superstes erat.
An fuit hæc Romæ tum splendida Gaza repõsta,
Cui Dominus Romæ post phylacista foret ?
Iam cœlo è Latio meritorum depluit imber,
Aurea si Latio supplicet ossa Ioui.
Nulla Dei pretio res constat. Inempta redempto est
Gratia. Res pretio est quæ libet empta Papæ.
In sacris nusquam meritorum vasa leguntur,
Sed quæ grata facit gratia, sæpe lego.
Fundata est æterna Salus in Sanguine Christi,
Lytron an hoc vendes (Mango Sceleste) mihi ?
Immensum Barathrum supremæ est impietatis,
Quod Lærnâ in cerebri stagnat olente tui :
Iustitiam haud Christus nobis (ais) imputat : atquî
Sanctorum nostram iustitiam esse putas.
An dat Franciscus, quod non dat mutuò Christus ?
Helleboro dignum est dogma capûtq; tuum.
Nempe tui fisci in conclauibus omnia Sancti
Præmia virtutis deposuere suæ.
Quinetiam Romæ meritorum excambia prostant,
Quorum præposito clavis adepta tibi.
Horum tu condus ? sed quando postulat vsus,
Decondo promus protinus esse potes.
Ac veluti in pelagi complexum flumina currunt,
Nec minor est Nereus, quando recurrit aqua :

Sic tibi dant vni merita omnes omnia Sancti,
 Ipse nec es meriti, quando reuendis, inops.
 Te penes est ergo meritorum promere Gazam,
 (Nam penus œconomo creditur ille tibi)
 De plenīs venis fluit vndans gratia Romæ,
 Quilibet vt grātis, dans tibi grata, bibat.
 Heu Christi concussa fides, heu gratia laxa:
 O quantum est hominis *Corban* obesse Deo?
 Pro merito Hebræis vox nulla est, nullaq; Græcis:
 Hebræicè & Græcè fœdus vtrunq; datum est.
 Non ex iustitiâ promissa est vita fideli,
 Sed iusto ex verâ vita, Salusq; fide.
 Accepere pij, non donauere coronas:
 Iusticiamq; suam mutuò nemo dedit.
 Iustitiam in nobis, in morte est quærere vitam:
 Quam si quis quærat, num reperire licet?
 Molitur meritum, nimis vt sit passio Christi
 Inualida, vtq; Deus desinat esse Deus.
 Dic mihi cum feres, meritorum (Petre) tuorum
 Ad Christi intuitum quis tibi Sensus erat.
 Non est vlla Dei nisi grātis gratia detur.
 Vis meruisse Deum? gratia terga dedit.
 Primus Adam Soboli meruit peccando Gehennam,
 Cœlica promeruit regna secundus Adam.
 Quis dabit immundo conceptum Semine mundū?
 Si dederit nemo, num miser ipse dabo?

Me seruare fides fit persuasissima Christum

Tam voluisse hominem, quàm valuisse Deum.

Frustra operum attexit qui vis operista Papista

Ex Semisse faber iustitiæ ipse suæ.

Viuus opem quærens operum persape Papista,

Nullam vult operum iam moriturus opem.

O Spem fallacem meritis confidere quenquam :

Quàm citò Spes exspes, quæ Sibi fidit, erit :

Tali Spe freti pereunt Sperando miselli :

Et studio amittunt, quod retinere student.

Sola fides sola est, promissæ causâ Salutis.

Ægro Christus ait crede, beatus eris.

Quando animæ Domino fit dispensatio Christo,

Sedula connubij est, pronuba Sola fides.

Debitor inferior, quàm creditor, esse putatur :

An poterit meritis debitor esse Deus ?

Mene potest meritum meritis exoluere pœnis ?

Parsne meis meritis vlla salutis inest ?

A meritis oculis animæ collyria sumam ?

Hincne madens maculis singula nitrûmq; meis?

Cœlica pro Siliquâ dabitur mihi messis & pellæ ?

Æterno est horæ dignus honore labor ?

Obuius extinctâ ne Sponsò lampade fiam,

A meritis olei mutuò fumo iubar ?

Sanguine quos lauit, quos verbo sanctificauit

Christus, eos iterum vile beabit opus ?

An meritum poterit depellere Spicula mortis ?

An meritum est animæ Salvia Sana meæ ?

An stipulâ dabitur thesaurus, fœcibus aurum ?

Momentúmque, leui, perpetuúmque, breui ?

Num meritis Chrísti meritum, mortémque, merebor ?

Non est in tali dogmate mica Salis.

Cum reparata Salus mihi constet sanguine Chrísti :

Fulmine, prostratus est vile merentis opus.

Non per me uiuo : per me si uiuo, peribo,

Vita mihi Deus est, sit mihi vita Dei.

Iudicij quodcunque; Dei fornace probatur,

Protinus horrendo funditus igne perit.

Eia homines faciant quæ sunt pulcherrima Mundo:

Si iudex Deus est, omnis homo reus est.

Quis reus id præstat, quod vult Deus ? id nisi fiat

Vim patiente reo, rem faciente Deo.

Cætera sunt vmbrae : sola est substantia Chrístus,

Sola sit à Chrísto vita, salúsque; mihi.

Lytron & antilytron Chrísti pretium omne Salutis

Implet : adimpleto, quid miser addet homo ?

Vt posuit Moses animatúm in sanguine vitam,

Sic Chrísti in fuso Sanguine pono meam.

In vitio est virtus, si Chrísti gratia desit,

Et bene si quicquam possumus, omne Dei est.

Non Deus hos fecit, sed fel infecit ocellos,

Qui Chrísto limant dulce salutis opus.

O mihi sit Christi pretiosi Sanguinis vndans
Balneolum, & meriti guttula nulla mei.
O mihi sit studij pensum me scire misellum:
Et meriti (mortem præter) habere nihil.
O me me indignum, qui tollam ad Sidera vultus:
Tam mihi sum meriti conscius ipse mei.
Sunt oculi testes, cordesq; arcana fatentur,
Quem meriti Sensum mente gemente geram.
Sentio defectus, ærumnas sentio vitæ:
His misero demptis, sentio pœne nihil.
Sanguine præ Christi, Iaspis sordescit & aurum:
Quid meriti faciet vilis amurca mei?
Dum lauer, & munder pretioso sanguine Christi:
Ardeat ô meritis ima Gehenna meis.
Si bene vixissem, mihi spes incerta fuisset,
At malè dum vixi, mors mihi certa fuit.
Eruet heu miserum quis me de corpore mortis?
Vsq; tibi grates (Summe Redemptor) ago.
Chirographa admixtæ cesserunt irrita culpæ,
Quæ Satanæ Christus fixit adempta cruci.
Si pro me seruo, Se morti tradidit author
Æternæ vitæ, filius ipse Dei:
Num potero Domini mortem verna ipse mereri,
Mors Christo vt cedat debita vita mihi?
Si laceri cordis barathro mihi manet ab imo
Sanguis, & in lacrymas tota medulla fluat:

Nil merear, non ipse meæ sim causa Salutis :
 Morte Redemptoris constituit illa Dei.
 Opeream, pereat ne Christi gratia : meq;
 In me, à me, pro me, constet habere nihil.
 O de cœlesti storgarum (Christe) tuarum
 Ablue fronte reum, ne reus acta luam.
 O carnis pertæsa meæ, mea vita misella ;
 Currat in amplexus (Christe supreme) tuos.
 Vis Satanæ me ignita petit : Satanæ inclyte victor,
 Vt Satanam vincam, suggere tela mihi.
 Inquinor immundo Mundo : Sanctissime Iesu,
 Munder Ego à Mundo, Sanguinis amnetui.
 Vror amore mei : mirande creator amorum,
 Vrar & igne tuo, da tua philtera mihi.
 Seruio Spiritui Domino, carnîq; Tyranno :
 Esto tuâ carnis victa Tyrannis ope.
 Ne tenear mundo, ne terrear igne Gehennæ ?
 Te teneam, & caleam pneumatis igne tui.
 Aternæ cedant perituræ gaudia vitæ :
 Cœlestisq; boni terrea vincat amor.
 Horreo quæ mea sunt, ne sim meus (optime Iesu)
 Quæ tua sunt cupio, quò tuus esse queam.
 Sit mihi talaris dete (pulcherrime) vestis,
 Ne pars spurcitiæ nuda sit vlla meæ.
 Agnus mactatus cum sis ab origine Mundi,
 Ne mihi iam proprium propitietur opus.

Adijce Seruatis vnum (*Seruator Iesu*)

Simpliciter Serum, suppliciterque tuum.

Agnosco pœnæq; malum, culpæq; reatum?

Hoc est, hoc verè est; hoc meritum omne meum.

Sed pœnam, culpâmq; scio, flammâsq; Gehennæ,

Et dominum inferni succubuisse tibi.

Hæc mihi sit fidei constans confessio. Méque

Hæc solidâ quatiet machina, nulla fide.

Qui non (*Christe*) tuis meritis confidere tantum

Saluificis voluit, noluit esse tuus.

Ipse tuis donis ingentibus omnibus impar,

Téne queam nihilo demeruisse meo?

Denarios centum Si quis tibi debeat : ipse

Debeo (*Christe*) tibi mille talenta decem.

In me peccati moles montesq; recumbunt :

Vt moueam montes, sit mihi (*Christe*) fides.

Summe Deus, mortis ne cædar vulnere : pro me

Ecce Redemptoris vulnera aperta mei.

Summe Deus, lacrymas qui colligis vtre tuorum,

Has famuli lacrymas ne perijsse finas.

Peccati cædem lacrymarum Sanguine prodo :

Méque Redemptoris torret anhela sitis.

Eripe me morti, vitæq; exolve reatu :

Proq; meâ, Christi stigmata labe vide.

Debita pro seruo Dominus si indebita soluit :

Ne Domino Seruus (*clamo*) luente luat.

Scrutator cordis, renum explorator Iēsu,
 Hic renum, ac cordis maſto holocauſta tibi.
 Te per ſudorem, per grumos Sanguinis oro,
 Per lacrymas, luſtum, probra, flagella, crucem,
 Sit mihi ſpes fit certa tuo ſignata Sigillo,
 In meritis penitus nulla ſit arrha meis.
 Hæc mihi ſit pietas proteſtantiſſima: mēq;
 Haud aliā patiar religione rapi.
 Abſorpt ſit totum me vortice Chriſtus amoris:
 Hic lauer, hic vigor, nudus, egenus, inops.
 Hic mihi Spes, hic fixa fides, hic arrha ſalutis:
 Hoc hoc exundet fonte medela mihi.
 Totus in Oceano ſi Chriſti Sanguinis eſſem,
 Hoc poteram clyſmo labis egere mea.
 Ille, ille, ille Dei me Sancto veſtiat agnus
 Vellere: ſimq; tuā (Chriſte) Salute tuus.
 Saluator Mundi dulciſſime (mitis Iēſu)
 Tu mihi, tu meritis, tu miſereſce tuis.
 Thus, aurū, & myrrhā precis offero: Supplicis (oro)
 Accipe Rex aurum, myrrham homo, thura Deus.
 Omnia quæ tua ſunt toti communia mundo,
 Hæc meus uſq; mihi propria reddit amor.
 Ne tua mereprobis vox læuum adiudicet hædis,
 Sed ſtatuar cœlo dexter, & inter oues.
 Qui tibi charus eram, dum me ſeruare volebas:
 Ne tibi ſim vilis, dum periſſe velis.

Me sine te fateor, semperq; fatebor (Iesu)
Vel meruisse mori, vel meruisse nihil.
Sed dum pro victo, victor, de morte triumphas,
Iam mea poena tua est, iam tua palma mea est.
Ipse propinasti calicem mihi mortis (Iesu)
Cum pro me dixti, transeat iste calix.
O mihi sit lethum per te priuatio lethi:
Atq; in amore tuo sit mora nulla mori.
Sit matutinum mihi vitæ gratia lumen:
Sic vespertinum gloria lumen erit.
Debenti mortem merces indebita vitæ,
Per uitam & mortem sit mihi certa tuam.
Aurea iustitiæ de te mihi flamma coruscat,
Scintillante fide, & mente tremante meâ.
Imo vbi plena tuo semper torrente voluptas
Manat, vbi æterno fonte redundat amor:
Hinc mihi sint haustus de te salientis Abyssi,
Et mihi sicca tuo sanguine corda riga.
Sit tua (Christe) mihi mors victima, passio lytron,
Gloria crux, vibex vnctio, lucta quies.
Dum superest Lachesi quod torqueat, odero semper,
Odero riualet (Christe supreme) tuum.
Sicne stipem meritis hominū blasphemia mendax
Arrogat, & meritis derogat vsq; Dei:
Iam iam pro meritis est Christus cedere iussus,
Et *Capitolino* tradere Regna Patri.

Sic sic fecisti (speciose vicarie Christi)

Numen inane Deum, nomen inane fidem.

Vt meritò es meritis meritis meritorius esse,

Inferni, & nunquam limen adire Dei.

Vanundas cœlum meritis, Templumq; profanas :

Et *Belial* audes consociare Deo.

Hæcnetua est pietas ? hæc alma Ecclesia Romæ ?

Sicne Petrum Christus pascere iussit oues ?

Siccine Tartareo Theomastix ore flagellas

Gratuitum fœdus iusticiamque Dei ?

Si quis in obtuso tibi Sensus pectore : notas,

Has Antichristi dixeris esse notas.

Sed non est aliquo quod me pertundere Sperem

Pectoris incudem carmine posse tui.

Eia vt sacra fides, vt sancta Ecclesia Romæ est ?

Vt Petri similes túque, fidésquetua ?

De



De commento Transubstantiationis.

ELEGIA 6^a.

ARGVMENTVM.

*Non transit panis Substantia, quando Sacerdos
In cœnâ corpus dat mihi (Christe) tuum.*

ERrorem Oceanos decacornis bestia ructat :
 Hæreticisq; fauet, Schismaticosq; fouet.
 Vna Petri Cathedra hæreticos tulit impia plu-
 Quàm Sella in Templo Sessilis vlla tulit. (res,
 Cætera prætereo, quia plus satis aucta legenti
 Nostra reformidat Piëris esse tibi.
 At verò est vnum, septemplice pellice natum,
 Horrendum, insulsum, prodigiale, nouum,
 Gorgoneum monstrum, per quod substantia transit:
 Vapulet hoc Satyrâ, Tisiphonéq; meâ.
 Hic mihi scribenti proponitur ampla suppellex :
 Et mea, quo spatio Musa triumphet, habet.
 Hic vnde exuperant vndas, & abyssus Abyssum
 Inuocat : estq; modus, non habuisse modum.

M

Gens

Gens ingens, Gens vncta, Cohors Acherontica, Belis
 Turma, creatorem sacrificando creat.
 Plus certè est Christum, quàm totum condere mun-
 Nec plasmare Deum, vel Deus ipse potest. (dum :
 At vel mille Deos Latius Chimista creârit;
 Ergo Deo maior Missificus Deus est.
 Quid, quòd in ore Sacri sit tanta potentia Mystæ,
 Vt voret ore suum, quem creat ore, Deum ?
 Nempe data est illi non contemnenda potestas :
 Et facit, & factum non facit esse Deum.
 Carniuorus carnem comedit, Christi q; cruorem
 In Misa exorbet, Mysta cruoribiba.
 Horrendæ cædis reus est Christoctonus hospes,
 Dum compressa Dei viscera dente molit.
 Gens adeò audita est homicidas ante papistas
 Rara vorâsse homines, nulla vorâsse deos.
 Hoc vno absurdo concessio mille sequuntur :
 Multus in hac Hydrâ, fertilis error inest,
 Gorgonei videor capitis spectare colubros,
 Cum mihi Gorgoneum pectora dogma ferit.
 Christophagus Cyclops immania guttura pandens,
 Ore papista vorax, fauce papista bibax.
 Dira Lycaonia celebrat conuiuia Mensæ :
 Est que Thyestæas, Læstrigonumq; dapes.
 Nempe gulæ artificem dentem, ventremq; capacem,
 (Haud mentem) ad mansum spirituale parat.
 Graculus,

Graculus, haud Aquila est, qui sic conuiuia Christi
Vel meditatus adit, vel fruiturus edit.

Non Abraham, Sanctiq; patres, Sanctiq; Prophetæ,
(Quæis tamen hæc eadem Mystica mensa fuit)

Sic poterant Christo vescique, fruiq; Salute:

Quippe Theanthropi tum caro nulla fuit.

Cum mihi sit similis per Christum vita, salúsque;

Sumendi Christum par modus esto mihi.

Certè alimentum animæ non ore & gutture sumo:

Sed capio, & comedo, pectore, mente, fide.

Deuorat auditus Christum, intellectus eundem

Ruminat, & mansum digerit alma fides.

Quo Christum gustem, circumfero corde palatum:

Cœnâq; sit mentis, non mihi ventris opus.

Credita res fidei est præsens: præsentia Christi

In cœnâ vera est, sit modò vera fides.

Occisum Christus credenti occiditur: atq;

Semper adest fidei victima sacra piæ.

Adde quòd infanti nondum baptismo tincto,

Quemq; recens natum Mystica lauit aqua.

Cum Christo haud esset communio, corpore corpus

Si tangi, & carnem carne necesse foret.

Infantes aliquos Herodes ense peremit,

Infantes omnes dogma Papale ferit.

Præterea hîc Christum comedit, qui credere nescit:

Hocque canis corpus, Mûsq; vorare potest.

*Tertull. de
carne te-
surrectionis*

Nec minùs hîc Iudas, quàm Petrus, corpore Christi
 Vescitur: & simili cœnat vterq; Papæ.
 An comedet Christû, qui non de corpore Christi est?
 An poterit Satanâs participare Deo?
 Mortua num fuerint in Christi corpore membra,
 Quod violento, audax asserit ore Papæ?
 Commentum horrendum, pietas insana, Papismi
 Cabala, Cleri Helene, futile phasma Papæ.
 Tam de pane Deus, quàm fit de Mure Camelus;
 Non sic est, aliud futile dogma Papæ.
 At sanè (quamvis Synodus collecta Tridenti
 Id Christi hospitibus tērq; quaterq; neget)
 Qui modus in sacro sumit baptisinate Christum,
 In cœnâ similis debuit esse modus.
 Pascimur hîc Christo concorpore: nascimur illîc;
 Et nasci, & pasci, dat mihi fœdus idem.
 Symbolica in Sacro baptisinate Signa manebant:
 Ergo sua in cœnâ Symbola Salua manent.
 Sic viuo in Christo, vt fio de corpore Christi:
 Et quæ me Christo gratia iungit, alit.
 Vnio quam tribuit, seruat communio vitam,
 Pneumatis illa fuit, Pneumatis ista manet.
 At verò, at verò (nam vero verius hoc est,
 Rēs; ratam debet vera creare fidem)
 Quod factum ex pane est, non est ex virgine factum:
 Nec genitura fuit spicea (Christe) tibi.

Nec mulier farris promissum semen habebat :
Nec similæ mater Dia Maria fuit.
Nec radix Iesse gemmam protulit aristæ :
Nec Leo de Iuda iugere natus erat.
Nec Draco post Cereris ructavit flumino partum :
Nec tibi (Leuiathan) triuit arista caput.
Adde quòd & sumi, & consumi sentio tritum :
Tum verò Christi dic vbi corpus erit.
Absurdè absurdus docet absurdissima, quisquis
Absurdum absurdis fertile dogma docet.
Fulmineæ, properant rationum in bella cohortes,
Quæ paradoxa fugant, & cacodoxa Papæ.
Quo vitæ panem Se dixit tempore Christus :
Christus idem, ac idem, qui fuit antè, fuit.
Est Christus vitis, via, vita : & quisquis in illo
Crescit, it, & viuit, non perit, errat, obit.
Sic de Se Christus : Sed non mutatus (opinor)
Aut vita, aut vitis, vel via factus erat.
Et cur in cœnâ fieret mutatio, quando
Pane dato, corpus dixit hoc esse suum ?
Quòd si consecrata semel sit Myrias ingenis
Omnigenum panum : fiet & illa caro ?
Atque olitoris equo panis confectus alendo
Si consecretur : fiet & illa caro ?
Et si sumatur solenniter hostia sacra
In Quadragesimâ : fiet & illa caro ?

Illo (credo) Sacrum piscescit tempore pistum :
 Nam caro tum vetita est vesca, vetante Papâ.
 O quàm Pythagoras Romæ stultescit acutè ?
 Quæ vetat, illa facit : quæ facit, illa vetat.
 Prudens stultitia est, stulta est prudentia Patris ;
 Quæ statuit, violat : quæ genuit, iugulat.
 Naturæ leges, & iura æterna refixit
 Hæc Metamorphosis prodigiosa Papæ.
 Quinetiam fidei neruos incîdit, & artus :
 Doctrinæq; nouæ dissona monstra dedit.
 Non typus est (aiunt) in verbis quatuor, *hoc est*
Corpus, & adijcitur vox operola *meum*.
 Sed tamen hîc tropus est, quia transmutatio certa est:
 Sic esse affirmant, quod tamen esse negant.
 Magna quidem vis est, & magna potentia veri,
 Cum clarè elogium sumat ab hoste suo.
 Sic aliquid semper fures in fata fatentur :
 Perfidiâmq; suo perfidus ore luit.
 Pro Sacramento deliramenta Papistæ,
 Proq; tropo, tropicam substituere stropham.
 Quæ statuunt, tollunt : quæ damnant falsa, fatentur,
 Subruitúrq; domus structa struentis ope.
 Peruersa euertit sanum conuersio textum :
 Et mactat gnomen impia glossa piam.
 Nempe dedere tropum (verborum luce coacti)
 Cum Testamentum dicitur esse calix :

Et cur non tropus est, cum panis dicitur esse
Corpus? An est alius Sermo, figura, modus?
Hæret, & attonita est Sententia deuia recti:
Atque manus infert hæresis ipsa sibi.
Infidus potius, penitusq; incredulus essem,
Quàm tibi firmarem (blenne Papista) fidem.
Iliades multæ vani falsiq; sequuntur,
Quas mihi non omnes verberet vna dies.
Non totum Christi, sed totus Christus vbiq; est,
Hæc fuit Antiquis firma, tenaxq; fides:
Ergo caro Christi si non sit vbiq; locorum,
More Papæ in cenâ non erit illa caro.
Si panis sit, corpus erit: non corporis vltra est
Mnemosynon, pignus, Symbolon, arrha, typus.
Non typus est corpus, typus est quod corpus adum-
Si res ipsa typus, definit esse typus. (brat:
Omnibus in reliquis Signi mutatio Sacris
Nulla fuit: mutet cur Sacra cenâ suum?
Nimirum id solum firmant appensa Sigilla,
Promissum in scripto quod fuit antè mihi.
Signa suo nunquam sacra cum diplomate pugnant,
Ergo idem in Signo, ac codice Christus inest.
Sed non per verbum datur ori Christus edendus:
Ergo nec hoc verbi tessera cenâ dabit.
Hæc Aquila est ratio, nam verum cernit acutè:
Quódq; videt, celeri transitione docet.

Et ratio hæc radijs Solaribus esse videtur
 Scripta, adeo forti lumina luce ferit.
 Iam verò hoc vnum promam, præq; omnibus vnū,
 Fulmine quod iugulet dogma, fidemq; Papæ.
 Si caro condatur Christi sub tegmine panis :
 Mortis in hac laqueus carne latere potest.
 Septimus *Henricus* Germanicus Induperator,
 In Mifsâ (infandum) toxicon edit atrox.
 At nunquam Christi miscetur carne venenum :
 Vitifer est Christus, mortifer esse nequit.
 Miror non corpus Christi perijsse veneno,
 Quando aconiton atrox Miffa dolosa dedit.
 O qui Sacratum quondam coniecit in ignem,
 Corpus an hoc Domini credidit esse sui?
 Confoderis Docto documento insulsus inepto :
 Teq; palam in laqueos induis ipse tuos.
 Ipse meo clypeo quid te texisse laborem,
 Cum tu te iugules Sonticus ense tuo ?
 Quòd si Sacratum, sic panis transit, vt ipfi
 Christo ipsum corpus Myſta Sacrista creet :
 Tum quot sunt panes, totidem sunt corpora Christi:
 Et quota pars panis, fit moda fracta, Deus.
 Séq; nouâ Christus methodóque, modóq; vorabat,
 Quando epulator erat corporis ipse sui.
 Nam (puto) bis Senis (cœnæ id Natura requirit)
 Discipulis pistum quod dedit, edit idem.

Quenq;

Quemq; bibit vitis fructum (mirabile) vitis
Sanguine Messiae fertilis illa fuit.

Et toties animam diuulsam à corpore Christus,
Corpus in hoc quoties offula transit, habet.

Nanq; anima haud (credo) Christi in crustatur: in il-
Missa procax poterit iuris habere nihil. (Iam

Quòd si mancipium verborum in punctibus hæres,
Nec vis libertus iudicij esse pij:

Panis vt est corpus (Scripturæ codice teste)

Sic Sanguis Christi est (codice teste) calix.

Et Testamentum est in Christi Sanguine quiuis,
A quouis quauis fictilis arte calix.

Nec tibi (Christe) parens tantum fuit alma Maria:
Sed tibi (Christe) parens Missa dialis erit.

Nec frangi os poterat de Christi corpore: verum
Comminuit panem fractio, densq; terit.

Nec tot conuiuis (quò sumat quilibet inde
Particulam partis) sufficit vna caro.

Dumq; simul capitur cœlis hoc corpus & aris:
Continui Christus corporis esse nequit.

Et fieri vetmes corrupto ex pane fatendum est,
Quod non de Christi corpore posse liquet.

Inq; Scypho vini siquid seruetur, acescit:

Dulcis at es semper Sanguine (Christe) mihi.

Inque manu corpus crucifixum (Christe) tenebas,
Ante cruci fixum quàm tibi corpus erat.

Has qui perplexas lites componere curat,
 Ille oleum, ille operam ludit, vtrumq; simul.
 Tripla Papæ fieret si ter triplicata corona,
 Ex his se pedicis expedijsse nequit.
 Et quid deliræ Missæ phantasmata coner,
 Plura ciere mihi, plura referre tibi?
 En citò (Christus ait) venio: non hætenus ergo
 Venit, & in cœnâ dente vorandus adest.
 Reliquiæ quondam cœnæ sunt ignibus vstæ:
 Vstane pars istis ignibus vlla Dei est?
 Nil olim fuso sine Sanguine Sacra placebant,
 Etiam Missa potest cassa placere Deo?
 Ebrietas sequitur nimium si vîna bibantur:
 Hócne tuo fieri Sanguine (Christe) potest?
 Cúm; apud hos Mystas tenuet Neptunus Iacchû:
 Vnda quid hæc fiet, Sanguinis anne serum?
 Vera caro hîc Christi latitat sub panis amictu:
 Inque locis multis corpus habetur idem.
 In toto totum est, & totum in qualibet offæ
 Parte, nec in toto pars habet vlla situm.
 Pes, caput, os, humerus, stomachus, pectûsque, ma-
 Sunt simul, & distant Sedis honore nihil. (núq;
 Pendulâ subsistunt Subiecti expertia Signa:
 Hócq; vagum aëreum pascit inane famem.
 Pistores carnes pinunt, & Sanguine depunt,
 Si Deus hoc Italus voce potente iubet.

Iussa statim parent Milsanti farra Tonanti :

Iulserit hic offam ? iussa fit offa caro.

Quando suæ specimen vult edere presbyter artis,
Triticeam tunicam datq; adimitq; Deo.

Quando sonum magici Milsator murmuris edit :
Aduena fitq; caro, fitq; farina fugax.

Labra potens mouit factor factoris, & offa
Non caro, non audet protinus esse Dei.

Per bis verba duo, fit commutatio mira :
Hæc abit, illa venit, res sine veste rei.

Quando Papam in pupam vi Milsæ videro verti,
Mutari credam crustula carne Dei.

Nulla est hîc *Quanti* dimensio : Sensile corpus,
Deprendi Sensus proditione nequit.

Nec mensura Siti, Naturæque corporis hîc est,
Nec certæ indicium, iudiciûmque rei.

Antecto, an nudo, vescamur corpore Christi,
Hoc Romæ expediat tonsus Apollo mihi.

Quippe Sacræ instituens Christus ritualia cœnæ,
Saltem albâ, aut lænâ, aut sindone tectus erat.

Nec populum in cœnâ iam Christum sumere nudû
Fasque piûmque putant, mósque pudórque sinunt.

Si veste indutus Christus sumatur : in illâ

Veste quid os comedit ? num caro vestis erit ?

Non mihi si centum Phœbi Musæq; ministrent,
Et flueret calamo carminis vnda meo.

Eluerem Augiæ stabulum, Lærnaeq; paludem,
 Quam mihi commentum prodigiale ciet.
 Exorcisatus submisso murmure panis
 (Noxius vt Dæmon) sueuit inire fugam.
 Crustula sacra crucis signo signatur : & vltro
 Panis in hospitium carnea Mafsa subit.
 Mira cano : corpus pollente fit ore ministri
 Prorsus idem numero, quod fuit antè, Dei.
 Pane incarnatur, carne impanatur : & offæ
 Exulis in tenui tegmine Christus inest.
 Et quis tam demens (sic dixit Tullius olim)
 Qui quo vescatur, credat id esse Deum ?
 Transclementatur panis substantia : verum
 In pane est aliud, quàm fuit antè, nihil.
 Hic caro carne caret, neq; rubra rubedo rubescit :
 Nec similæ est similis consimilis simila.
 Num caro carne caret, neq; rubra rubedo rubescit ?
 Quis cerebrum in cerebro credat inesse Papæ ?
 Non ipsum hic ipsum est, quod non discernis ab ipso,
 Quilibet hic Sensus desipit, errat, hebet.
 Res eadem haud eadè est sub codè tempore: quòdq;
 Hactenus hoc ipsum est, non tamen illud idè est.
 Hoc est (sed non est nisi mox conuertitur) hoc est
 Corpus, at in corpus transeat ossa prius.
 Adiuncto immoto Subiectum est mobile: dùmq;
 Effigiale manet, materiale fugit.

Fit nihil ex aliquo, non fit de corpore corpus :

Quodq; fit, id non fit : quodq, quit, esse nequit.

Siqua alias omnes suprema infania vincat :

Plasma sit hoc Romæ, futile phasma Papæ.

Bella per Ausonios plusquàm ciuilia campos

Hæc Metamorphosis prodigiola ciet.

Omnia ventorum concurrere prælia dicas,

Tam numeri innumeri dissona turba fremunt.

Litem omnes ex lite ferunt, veterúmque; recisâ

Progenie errorum pullulat Hydra noua.

Corpore pro Christi, vix (heu) Ecclesia corpus

Est Christi : ΕΙΡΗΝΗΝ res ea fecit ΕΡΙΝ.

At nos duntaxat bella importuna canemus,

Inter Eriçthonios, Andabarásq; Papæ.

O qui sunt pugiles isti, quos efficit haustus

Hæmoboros potus, Sacrophagósq; cibus :

Rixantur Fratres, altercantúrque; Sophistæ :

Confremuere Scholæ; prosiluere minæ.

Dissona collatis concurrunt agmina Signis :

Rauca Lycæa crepant, Spissa theatra boant.

Grammaticale fremit bellum, bellúmque; reale :

Confoditúrque; frequens dogma sequente prius.

Insurgunt Scioli : Monachorum examina densa

Occlangunt : Hæret pes pede, virque; viro.

De Quercu Petrus pugna, de Monte Iohannes

Oppugnat : validâ sæuit vterque; manu.

Intonat *Alphonus*, superintonat arduus *Hugo* :
 Contremuitq; *Polus*, concrepuitq; *Lyra*.
 Quêis argumentum desit, clamoribus instant :
 Et rabie certant, qui ratione carent:
Iodocus probat hoc, *Faber* improbat, approbat *Occam* :
 Martem acuit *Thomas*, trux fremit ore *Scotus*.
Andradius, *Driedo*, *Catharinus*, *Carthusianus*,
 Alter in alterius vulnera fronte ferit.
Guido, *Capistranus*, *Sotus*, *Copiusq;*, *Canusq;*,
 Dogma vetus iugulat, dogmate quisq; nouo.
 Verberat hic auras, hic litem lite resoluit :
 Non secat hic nodum, non ferit ille scopum.
 Victor victus abit, iugulans iugulatur ab hoste :
 Quiq; petit, petitur : qui perimitque, perit.
Bella Biel infert : bella arma minâsq; minaris
Bellarmino, tuæ gloria magna Scholæ.
Bonnerus balat, *Lindanus* lallat ineptas :
Lombardi bardi turbida turba coit.
Ecchius atq; *Hofius*, *Dorbellaq;* *Dunsq;* duellant :
 Rudit iners *Pigbius*, sæuit *Alanus* atrox.
 In quemuis cuiuis mos est effundere quiduis;
 Sic *Cadmæa* cadunt agmina Marte suo.
 O Papa lux Mundi, fidei Dux, regula vitæ :
 Sicne tua impietas constat inepta Sibi?
 Quâ tu te nobis effrontem fronte negabis,
 Ista duella neges si *Gregis* esse tui ?



De morum corruptelis in vrbe Roma.

ELEGIA. 7^a.

ARGVMENTVM.

*Quâ sit in vrbe Seges vitiorum maxima nescis?
Vrbis Romanæ crimina disce, scies.*

FOrsan & in septem celebratâ montibus vrbe
 Quàm sit viuendi regula Sancta, rogas.
 Antiquæ (historijs si fas sit credere) Romæ
 Iam Româ in mediâ fas reperire nihil.
 Surculus est Satanæ Stygiâ de stirpe Papismus,
 Omne genus vitij Surculus ille tulit.
 Latronum spelunca, Orbis commune lupanar,
 Omnis nequitia propudiosa domus.
 Cui non vrbs septem montes complexa videtur:
 Inscius is rerum est, historiaq; rudis.
 Quid mihi succenses Babylon, oh crimina nota
 Si pateris calami stigma, flagrumq; mei?

O Papa coniugij spretor, cui pectore puro
 Pinguiculi Cleri militat vncta cohors :
 Sic tædæ dudum pertæsum est téq; tuósque,
 Sit purdor vt sponfas præposuisse Lupis.
 Túq, Gregésq; tui certè estis spirituales,
 Vos adeò impurat spiritus ille malus.
 Vita tuis agamis quàm casta & cauta, repertum
 Sæpius infantum Golgotha testis erit.
 Dum Papa Siricius prohibet connubia Clero :
 Iustificant Sodomam : Tempia dicata Deo.
 Heu quàm præstaret rescindere turpia vota,
 Quàm vitæ impuræ vinclâ pudenda pati ?
 Non est Relligio, non virtus mascula Romæ :
 Dedecet hæc hominum spirituale genus.
 Nempe fides Romana mares emasculat omnes :
 Prægnantíq; Orbem virginitate replet.
 Auctior vt fiat Sacrosancta Ecclesia, nympha
 Sancta patri Sancto pignora sancta parit.
 Plurimus est Dæmon hic incubus, & pia virgo
 Possessa à tali Dæmone sæpe gemit.
 Absq; suis viuunt sponfis, sed non alienis :
 Forsan in hac possunt carne placere Deo.
 Relligio in luxum sic despumauit : inérq;
 Conditio vitæ plurima monstra tulit.
 At credo vt Cathedræ pro sit, Sanctæq; Tiaræ,
 Ipsa meret licitè Thais in æde Dei :

Quinetiam multo pietas vberima quæstu
Crescit, & è lucro non malus vndat odor.
Sícne (profane) tuum Corban loca sancta profanat?
Sícne holocausta offers de meretrice Deo?
Indulgétne tua infando indulgentia stupro?
Indulgere tibi mens pia nulla potest.
Ad mala libertas non est sumenda redemptis,
Sanguine libertas constitit illa Dei.
En verò Latiae numerosa examina stirpis,
Pontificale decus, spirituale pecus.
Myriadas Monachorû, Eunuchorûmq; phalangas,
Stemmatis agnosco germina pulchra tui.
Agmina veruecum, conferta armenta spadonum,
Se lateri agglomerant, militiæq; tuæ.
Tot tibi sunt sancti patres, tot cœlibe vitâ
Angelicæ Nonnæ, Virgineiq; Chori:
Tot papaselli agami, tam densa abdomine pingui,
Progenies Grylli relligiosa phalanx.
Támq; frequens superat fraterrima fratria fratrum,
Quot rapidus stellas axis vterq; rotat.
Innumeri numeri fruges consumere nati,
Sardanapali acies, luxuriosa cohors.
Agmina Bruchorum, porcorum pulchra propago,
Colluuiæ Mundi, Votifragûmq; pecus.
Ni ventris venerisq; vicissim numen adorent:
Nil aliud veteris relligionis habent.

O Monstra à vitijs nullâ virtute redempta,
 Qualia multa breui tempore Roma tulit.
 Funera dum faciant epulis, siccântq; culullos :
 Sat faciunt operis, sat pietatis habent.
 Multa quies, & festa dies, & panis abundans,
 Hos mirè impinguat, folliculósq; facit.
 ΑΣΚΗΤΑΣ dices, ΑΣΚΗΤΑΣ esse negabís,
 Quêis adeo ventris vasta saburra tumet.
 Quid Monachus ? carnis cumulus, viniq; culullus,
 Cui ne putrescat, pro sale vita data est.
 Credo equidem Circei mutâsse potentibus herbis
 Inq; Sues Monachos, in Monachósq; Sues.
 Non adeo Agricola à talpis distare videntur,
 A Monachis priscis quàm variare noui.
 Quid fratrû squamosa Cohors ? ; Acherontica proles,
 Locustarum acies, pamphaga progenies.
 Mercator sapiens vix emercabitur vnâ
 Nudipedum bipedum corpora mille boue.
 Multi hic se iactant titularis nomine Christi,
 Quorum vita negat flagitiosa Deum.
 Ignescunt multi zelo, quêis perlita fucó
 Est pietas sterilis, Religioq; ferox.
 Ædificat verbo cœlum, vitâq; Gehennam,
 Plurima quæ Christum prædicat vncta Cohors.
 His peccatillum leue sit scortatio, & illam
 Supplicio Sontes candidiore luunt.

Has patitur Sordes Vrbs vnum Roma Lupanar :
Tota modo est vnum, multa fruire prius.
Pontifices, Monachos, fratres, examina sanctè
Sancta, quis inficias, iuerit esse Patres ?
Qui natos genuere, Patres sunt nempe vocandi,
Lege ratâ tales esse relata scio.
Nónne tibi videor satis hanc commôsse lacunam ?
Vísne satellitium molle videre Papæ ?
Purpurei Romæ Proceres, Cedriq; potentes,
Gloria Cardinei conspicienda Chori.
Nil contententes ob vani gaudia mundi,
Et contemnentes quid noua luna vehat.
Ore graui, flammante togâ; radiante galero,
Vt vitâ splendent, vt pietate nitent ?
At verò (verum si fas sit dicere) vëstis
Purpurea his Christi sanguine tincta rubet.
Immani Christi mactant feritate bidentes :
Inde rubent vestes, inde coruscat apex.
Fastidite merum petasati, haurite cruorem :
Nobilior multo spiritus inde venit.
Sic Gregis hi summi Ductores spiritualis
Cardineum sanctè munus obire solent.
Sic Christo parent, sic vitam Christida ducunt :
Sic Christum purâ Religione colunt.
Inferni possunt hi Patres esse columnæ :
Sed Templi nequeunt esse, domúsq; Dei.

Quid moror exemplis? descripta volumine iusto est
Vita Latinorum prodigiosa Patrum.
Quæ Sol crubuit scelerum portenta videre,
Nostra reformidat Musa pudica loqui.
Sæpius hic cecidit de cælo stella sereno:
Et castum incestum prodidit atra dies.
Historia exhalat tetram Romana mephitim;
Et Scena obscena est quam struit vncta Cohors.
Metropolis Mundi vitijs Roma omnibus ingens,
Metropolitani Sella profana Papæ.
Prodigijs scelerum vix est cessura Gomorrhæ:
Tot sceleratorum Monstra pudenda tulit.
Nec nisi supremo generalis vortice flammæ,
Tale gelu scelerum deliquisse potest.
Roma potens opibus, celeberrima Roma triumphis,
Iam magni Imperij cauda, aliquando caput.
Nequitix stabulum, cædis crudele macellum,
Cella stupri, luxus Sella, propina gulæ.
Harpyijs multis, & multis plena Molossis,
Seditione furens, ambitione tumens.
Hierusalem sanctæ tam verè es Roma Character,
Quàm Christi est Icon Metropolita tuus.



De lucrosa sub Papatu rerum
omnium nundinatione.

ELEGIA 8^a.

ARGUMENTVM.

*Num Petrus ille Simon fuerit Romæ, ardua lis est :
Lis nulla est, fuerit num Magus ille Simon.*

IN noua fert animus mutatas dicere normas
Aucupia, ad Domini iussa, modòsq; Papæ.
Instar aquæ hic Orbem terrarū lambit, & ambit :
Instar aquæ radit, rodit & instar aquæ.
Dira Papæ ingluuies intercute peste laborat ;
Quò magis illa capit, plus sitibunda cupit.
Omnia sunt Chrysulca Papæ diplomata : quippe
(Vt ferrum Magnes) fulua metalla trahunt.
Quisq; Papam patrem memores colitote Papistæ :
Hoc quod habetis opum, patris habetis ope.

De lucrosa sub Papa rerum

Hic *Ezra* explanat Mosen interprete Nummo.
Omne nefas fit fas omnibus ære dato.
Pharmaca commissum depurant aurea crimen :
Et causam argento vincit agente reus.
Infixus Mundo, sed Mundo non crucifixus,
Sic bibulo Mundi feruet amore pater.
Rem facit, & sacræ politiæ consulit : atquæ
Est Politiâ Papæ magna atheia Deo.
De cælo est Christi regnum, & cœlestia tractat :
De terris regnum Pontificale sapit.
At sapit incassum, quisquis sapit omnia Mundo,
Nec sapiendo cauet desipuisse Deo.
Grassatur Satanas quærens quem deuoret atrox :
Hoc ipsum Romæ Cosmopolita facit.
Inter opes possessor inops, variisq; rapinis
Vt porro rapiat, crescit anhela sitis.
Iordanem sperat se posse haurire Behemoth :
Expleriq; nequit dira vorago Papæ.
Perplexis legum laqueis, & compede cæcâ,
Irretit miseras pastor avarus oues.
Nummiuoro mutat tua (Christe) Sacella macello :
Nec tibi quærit oues, sed sibi captat opes.
Gratia nummorum minor est, quàm gratia morum,
Ante Deum : Oeconômum non tamen ante Dei.
Nimirum Cleri Polyphemus, & arduus Atlas,
Hac Templum fulcit strenuus arte Dei.

Ille vafer technas, & miras extudit artes,
Atque cato methodos pectore mille tenet :
Quarum quæ formâ est pulcherrima Chrysopoceam,
Connubio stabili iunxit, habetq; sibi.
Amphisbæna Papæ est pietas, Dominisq; duobus
Seruit : sat mundi, vix studiosa Dei.
Qui bona dona dabunt, sua dona hos pontificabunt:
Cui nihil est domi, musset ille domi.
Prochristus leges fixit, pretioq; refixit :
Iulsâq; præscripsit, præstituitq; Dei.
Fratrîam vt Herodes ducat, Baptista Iohannes
Non fuit : Petri dia propago sinet.
Omnibus est Paulus lucrândis omnia factus :
Prochristo est lucri maxima cura sui.
Adduci primò conuiuas, postea cogi
(Christe) iubes : cogit vique minisque, tuus.
De spinis imposta fuit tibi (Christe) corona :
Ex auro triplex fert diadema tuus.
Sic Petrum, Paulum, Baptistam, deniq; Christum,
Mirificè superat Pontificalis apex.
Muneris hic auceps, & lucri peruigil Argus,
Dum nummo pedicas, insidiâq; struit :
Ex censu Sontes taxat, graue crimen in ære est ?
Hæresis est aurum, res facit esse reum.
Sontica sic plectit viscatis legibus æra :
Et nil lethale est præter habere nihil.

Nunquam

Nunquam peccabis spondet mortaliter, auri
 Mortua ni fuerint antidota antè tibi.
 Bullipotente Papâ veniam indulgente malorum,
 Et pœnæ, & culpæ, tollitur omne malum.
 De rebus minimis mos illi figere leges,
 Quas lucrum cassas illico dulce facit.
 Promuscis parua est quâ sorbet Musca cruorem :
 Et lis parua Papæ maxima lucra creat.
 Ad leuiora fremit, conuiuet ad horrida lippus
 (Si fœlix auri fulserit aura) Papa.
 Protinus excusâ peccati compede, culpæ
 Pura anima ad cœlos (ære redempta) volat.
 Da patri, & quiduis scelus imperterritus aude :
 Author obausa reus, non reus ausa lues.
 Donanti quiduis fit condonabile dono :
 Tam venale malum, quàm veniale facit.
 Sic est exitium Romæ lethale crumenæ,
 Non peccatorum pœna, animæue salus.
 Da, da, da, clamat Romanæ Sedis hirudo :
 Et diram irritant ipsa alimenta famem.
 A Nummo chrisma est; à Nūmo est omne charisma:
 Req; care nullâ, qui minùs ære caret.
 Haud vlli gremium Romana Ecclesia claudit,
 Qui matrem obsequijs, muneribúsq; fouent.
 At meminisse decet (naq; hæc distinctio nota est,
 Et crebro hanc nobis ingeminare solent)

Magna Petri cathedræ est, & supra iura potestas,

Nec nihil est Domini numen habere Papæ.

Ille Simoniacus nequit esse: dat omnia gratis,

(Dona dat, ut dones: ut capiasque capit.

Dat tibi, das illi: quid munere purius isto est?

Omnis amotales debet habere vices.

Quid memorem laqueos, nexûsque, plicâsque, stro-

Quas miseræ plebi tendit auara cohors? (phâsque,

Ardet inexplerum Romæ implicata Charybdis,

Quæ nimis haurit opes, nec satis haurit opum.

Omnipotentis habet vires ecclesia Romæ,

Et iccoris venas omnipotentis habet.

Informes normas, enormes Curia formas,

Romana arbitrio fingit iniqua suo.

Lite forum mugit, probitas multatur, & ære

Prostituit linguam garrula turba suam.

Suada potens auri re nulla obstante perorat:

Tanta Papæ Rhetor Numina nummus habet.

Quinetiam Romæ (quo causæ tempore cessant)

Illico causidici, causifici esse queant.

Iudicium hîc iuris Iuristæ vendere possunt

Iure bono, quoniam munere munus emunt.

Circumcursantis numerosa negotia plebis

Impedijsse solent, expedijsse dolent.

Grata venit Romam quæ portat quæstio, quæstum:

Quæ nihil attulerit, muta sit illa domi,

Fit Laidi frustra supplex deplumis amator :
Et frustra Romam munere cassus adit.
Excolat culicem, deglutit Roma Camelum :
Sontibus indulgens, innocuisq; ferox.
Vexat ouem, missumq; facit censura Leonem :
Quódq; lupus peccat sonticus, agna luit.
Sic est vānalis Romanæ sancta cathedræ
Iustitia, & pretio prostats auara Themis.
Actio Apostolica est peccatum immane Regentis :
Actio Apostatica est crimen inane Gregis.
Admiranda cano : sed quid non summa potestas,
Et suprema Papæ pambasilis potest ?
Summe patrum, Dux alme ducum, Rex magne Re-
Sicne greges Sacros aurea virga regit : (gentū,
Quem tu te præbes Mundo Latialis Abaddon
Præter nummiuorum Legirupamq; Papam ?

De



De horrenda scelerum omnium
licitatione, & pulveraria apud
Anglos proditione.

ELEGIA. 9^a.

ARGUMENTVM.

*Propter auaritiam sunt aurea Secula Romæ :
Propter Seditiam ferrea semper erunt.*

VErè vulnus atrox est dispensatio legis.
Dispensat quæ vult, omnia (Christe) tuus.
Ius, iusiurandum, sponsalia, fœdera, vota,
(Has Satanæ, haud clauis dixeris esse Dei)
Dissoluit, diffilat, pessundat, dissipat. Obex
Arbitrio poterit nullus obesse Papæ.
Et quin mox omnes alieno liberat ære,
Cætera qui nullâ tam citò soluit ope ?
Illius arbitrium fit rerum norma : capefcis
Iussa Papæ ? facti non potes esereus.

In quemuis, cuiuis, quiduis, committere fas est.
 Pontificante Deo, fas faciente reo.
 Horrendam praxin supremæ proditionis
 (Cui prior haud ætas audiit vlla parem)
 Nuper apud Britones homicidæ iniere Papistæ :
 Cuiq, reor similem Secula nulla dabunt.
 Horresco referens, tremulis vox faucibus hæret :
 Quassa manus variat, mutæque Musa mea est.
 Conuenere Duces, putei Gens atra profundi,
 Inque nouam studijs incubuere stropham.
 Hanc informarunt Romæ; fuit Itala pellex
 Mater, & obstetrix dira Megæra fuit.
 Rex, Soboles Regis, Proccres, Patrêsq; verendi,
 Nobilitas maior, Nobilitasque minor.
 Coccineû Themidos Numen, legûmq; Tetrarchæ,
 Atq; Equitum præstans, Armigerûmq; cohors.
 De rebus Regni collecta frequente Senatu,
 (Anglia conuentus quâ celebrare solet)
 Exitio horrendo, Coniuratoribus istis,
 (Ni rem fecisset summa pronæ palam)
 Puluere sulphureo rapti, sparfiq; per auras,
 Haussissent vitæ fata suprema suæ.
 Heu dirum, infandum, stygium, damnabile factum,
 Exemplóque carens, párq; ruina sui.
 Ocædes, strages, cladêsq; incognita Mundo,
 Dæmonis inuentum, decipulûmq; nouum.

Nil sub sole nouum fuit olim : tempore nostro

Hoc sub Sole nouum est, prodigiale nefas.

Aurea prima (Dei quasi filia) prodijt ætas :

Vltima Sulphurea est filia Dira Papæ.

Ah pia cura patris, dulcisq; proncea Latij,

Vt pater hic reliquos vincit amore patres?

Ne sua non adeant cœlum post fata Britanni,

Tartareo viuos puluere adire facit.

Hæc sunt Romanæ compendia religionis :

Omnes hauisset funditus vna dies.

Vasta Palatino sunt ora & guttura Monstro :

Vno atrox hauistu millia multa vorat.

O Genus exutos hominem crudele Papistas,

Monstra odiosa homini, Monstra odiosa Deo :

Vos turbatores Regnorum, auidosq; cruoris,

Qui Sensere, pauent : qui sapere, cauent.

Eheu tot cæsis inconsolabile funus,

Quod dare non poterant, sed voluere datum.

Hæccine Relligio quæ vitam Christi da tradit?

Hæcne Papæ pietas ? hæc Sacrosancta fides ?

Non facienda mala, vt veniant bona. Num faciendū

Tale Malum, vt veniat Pontificale bonum?

Omnibus Ordinibus si ceruix vna fuisset,

(Quod Nero Romanis discupiebat atrox)

Protinus hæc ceruix vno succisa fuisset

Vulnere, vim gladij non imhibente Deo.

O facinus dirè dirum, Dirisq; vouendum
 Omnibus: ô maior magna ruina fide.
 Omnia qui præfens vidit, qui visa notauit
 Omnia, vix oculis credidit ipse suis.
 Siccine Sulphurei flammis torrentibus ignis
 Suadet Apostolicam Roma, probâtq, fidem?
 Ah nunquam gladijs armata, instructa venenis,
 Palliolo Satanæ tecta, parata neci:
 Relligio Christi processit in atria Regum,
 Ante Philistæi tempora dira Papæ.
 Eheu, num Regum piscatur Sanguine Petrus?
 Non, magis hamator Belzebub extat atrox,
 Captus ego à Petro quò fiam Sanguine fuso,
 Haud tanti stabunt Roma pedumq; mihi.
 Sic sic perfidiæ Romanâ in religione,
 Vt fidei crypsin) proditor omnis habet.
 Heu sæpe erupit Tarpeiâ infestus ab arce
 Ventus, & euentus funera magna dedit.
 Igniuomos natos (*Ignati ignare*) dedisti,
 Si genus (vt perhibent) sit Iesuita tuum.
 Relligio semper fraudi prætexitur: atque
 Impius insidias ex pietate struit.
 Sæpe sub oscillo latitantem Dæmona fouit,
 Iussa Patris Latij dum Iesuita facit.
 Arma pijs olim lacrymæque precèsque fuerunt:
 Iam sunt arma Papæ, sica, venena, faces.

Vipereos animans natos in viscera matris,
Et ferus, & verè ferreus ille fuit.
Sanguine gaudentes, ferroque, ac igne Papistas,
Indutos hominem Dæmonas esse putes.
Cum tot fulcra ferant Romanam religionem,
Præcipua in cæde, ac sanguine fulcra locant.
At dum sæpe Suos iugulant, & funera miscent:
Symbola dant fidei, perfidiæq; suæ.
Intergo portant nemescin, qui in pectore crimen:
Et nunquam in Christum praxis multa fuit.
Heu quæ Tisiphone meditata est morte gemellâ
Excidium nostris, exitiûmq; suis?
Nempe Petri ut Sedes fidei sit petra, probabunt
Sal petrae, insidiæ, sulphura, flamma, faces.
At tandem mundo detecta est techna Papalis:
Tarpeiâmq; Rheam iam pudet esse ream.
Prodiit in Scenam Romani drama Tragedi,
Sed Deus exosus noluit illud agi.
Roma struis nidos, excludere nescia pullos?
Hic agnosce manum muta, morâmq; Dei.
Sic non sperato partu peperere Papistæ,
Quod spe tam longâ parturire prius.
Eumenidum fleuere genæ, suspiria Diræ
Rupere, Inferni contremuere Poli:
Successu sceleris pyrios caruisse Papistas,
Et tanti frustra texta fuisse doli.

Exultate


Exultate nouâ Gens læta salute Britannî,
 Et nunquam vobis excidat ista dies.
 Ignibus inferni rapuit vos Christus: at iste
 Ignibus inferni proximus ignis erat.
Atra Britannorum quæ Lux æterna fuisse,
Alba Britannorum quinta Nonembris erit.
 Lux erat hæc Martis, sed iniqua Papalibus ausis:
 Mercurij ad cineres aptior hora fuit.
 Non tu speculâ (Daniel) crepte Leonum
 Debas laudum tanta tropæa Deo.
 Sæpe animosorum compescitur ira Leonum:
 Ira Papistarum sæuior vsq; furit.
 Exulante truces, & semper flete Papistæ,
 Sulphureæ horrendum religionis opus.
 Oceani eluies haud eluet omnibus vndis;
 Stigma tenax fraudis (perfida Roma) tuæ.
 Transalpinati nostri peperere Papistæ,
 Tale cruentati sæpe furoris opus.
 Sicne leues animi mutant, qui trans mare currunt?
 Cogantur potius *Lege* manere domi.
 Nimirum hoc factum tam detestabile Summus;
 Hortatu suavit Pontificalis apex,
 Nam qui vult fieri, quod pœne fit: ille volendo
 Incipit, & si non officit, ille facit.
 Quod si non omnem eiecisset pæctore patrem,
 Non in nos adeo Vitricus elset atrox.

Illius è Bullæ bullis, ebullijt omne
Dirum, horrendum, atrox, Tartareumq; nefas.
Ille adeo secum : faciat bustum vna Britannis
Quod factum, taceat nulla futura dies.
Num sceleratus erat cacoplastes, aut scelus ipsum,
Sic ausus cathedram conscelerare Petri?
Olim Pontificem (at nunquam sine Sanguine fuso)
Sanctorum in Sanctum legimus ijsse Dei.
Vix Capitolinus (nisi quid de sanguine tracter)
Ingreditur *Sbiloh* Præsul Asyla sui.
Hactenus expostum est inceptum è pluribus vnū,
Nunc alia audito (vix meliora) Papæ.
Hic Dispensator vitijs alimenta ministrat
Omnibus, & scelerum pullular inde seges.
Sons homicida (Papa indulgente) superfuit insons,
Et quasi sicca statim Sica cruenta fuit.
Si de Tarpeiâ dispenset rupe Sacerdos,
Commisli admissi non potes esse reus.
Aut si fortè reum te fecerit actio legis :
Actio læthalis non erit illa tibi.
Cognatum est diploma Papæ cum sanguine Christi,
Depurat Sontes, abluir omne nefas.
Cædes, bella, doli, periuria, Sancta Tiara
Iusserit vt liceant? protinus illa licent.
Nempè Papæ arbitrium faciendi est regula facti :
Summâq; lex legum vincula nulla pati.

Tu modò, quis iubeat, non quid iubeatur ab illo,
 Consule : & intrepidè iussa capesse Papæ.
 Iussa capesse Papæ : nam Christus iussit ut omnes
 Parerent Domino, Semideóq; Papæ.
 Est catapulta illi cabitus, ballistáq; pugnus,
 Atque aries humerus : ne feriare, caue.
 Nempe Petro primùm dedit hæc Regalia Christus
 Iura, cathedrato, protopapæq; Petro.
 At verò Petri est hæres Patriarcha Latinus,
 Quem cathedram, & Mitram constat habere Petri.
 Imperium, diadema, thronum, super omnia Mundi
 Regna, dedit Petro Petra, Petrusq; Papæ.
 Quíq; ciere potest patres, de stemmate patrum est
 Patricius : Petrum sed ciet ille patrem.
 Ergo Petro si quid Christus legavit honoris,
 Indubiè id Dominum constat habere Papam.
 Et si qua Archetypi est memorabilis actio Petri :
 Actio Petreij mox erit illa Patris.
 Vox populi vana est, non est ex traduce virtus :
 Sola Petri Soboles excipienda fuit.
 At vero pietas, confessióque vltima Petri,
 In cathedra cathedram nescit habere Papæ.
 Ter Petrus te (Christe) fide titubante negavit,
 Te Papa Prochristus téraq; quatérq; negat.
 Pœnituit Petrum (cum egressus fletet amarè)
 Sed nondum constat pœnituisse Papam.


Deniq;

Deniq; cæsus erat pro te Petrus ense : sed ense
Membra tua, & rapido deuorat igne Papa.
Euge Papam quis habere pedum, cathedrámq; nega-
Atq; ideam veram Martyris esse Petri ? (bit,
Nónne Petri hic puppim medijs *Palinurus* in vndis
Gnarus inoffensâ dexteritate regit?
Nempe Petri puppim scopulis illidit acutis,
Ipse nocens scopulus summus Episcopus.




Q²

Epilo-




De pueris in laetitia

5
Membra sunt quae in laetitia
Eae pueri in laetitia
Ad laetitia pueri
Nonne pueri in laetitia
Gaudium pueri
Nunc pueri in laetitia
Ipsos pueri in laetitia



Epilo





Epilogus antecedentium.


Sic toti Aufonius Dictator præfidet orbi,
 Sic cauponatur Biblia Sacra Dei.
 Sic sacra Sacrilegus vendit redimítque, Simonis
 Dissimilis Petri, persimilisq; Magi.
 Sic multa hæreseon portenta & plasmata fingit,
 Agminis hæretici spirituale caput.
 Sic acuit lites, animátq; ad bella Monarchas :
 Et gemino Præful Martius ense furit.
 Sic licitante Papâ lex omnis redditur exlex,
 Et Canoni (cum vult) dissidet ipse canon.
 Sic fas omne nefas sibi *Carphas* autumat : atque
 Quod iuuat, id iustum est : quod libet, idq; licet.
 Sic *Roma* exundat vitiorum gurgite pleno,
 Híc quanuis habitet Villicus ipse Dei.
 Sic sic Prochristus, Procrustis signa latronis,
 Non Christi exemplum mite, typúmque, gerit.
 Sic Christi promouit opus cædendo : sedendo
 Semper hebes, tardus, bardus, inérq; fuit.

Sic vendit fumos, sic plumbea flectit in aurum :


Deniq; sic Christi depeculatur oues.


Non missum hunc credis diuinitus esse Prophetam ?

Credideris noctem veriùs esse diem.



De





De sacris reliquijs, traditionibus,
multisque inuentis mirabilibus.

ELEGIA 10^a.

ARGVMENTVM.

*O quàm Petristas, & mystas religionis,
Nugarum nugas constat amare Papas?*

IA M numerosa phalanx properans venit ordine
Transalpini, acies prodigiosa, patris. (longo
Præstigijs totum concinnis fascinat orbem,
Relliquijs prægnans, quisquilijsq; Lupa.
Quæso vide (& ride) quæ deridenda propinat
Spectra, matrologus, mythologusq; pater.
Ostendit multos (vix ausim credere) clauos,
Quêis Christi & fixus pésq; manúsq; cruci.
Christophoræq; crucis pars vna est salua: sed illa
Pars partu partes paruula mille tulit.

Heu

24

Heu quod non spinæ, cluique, vncique colantur,
 Hæstq; Longini cum cruce iure pari.
 Hæcne habet exuias tua (Christe) Ecclesia sponsa ?
 Non (puto) talis erat dos tua (Christe) tuæ.
 Crescit in immensum (crescendo Ecclesia pressa est)
 Traditionum ingens Caucaſeumq; iugum.
 Sacrorum summus Mystes Patriarcha Latinus,
 Hic fundum & fontem Religionis habet.
 Omne Pape regnum fulcitur Traditionum
 Antibus : hinc pendet Pontificalis apex.
 Hinc Romæ splendescit honos : & plurima Patri,
 Ex istâ terrâ fictilis olla nitet.
 At per fumosas quas tradit Traditiones,
 Traditor ille sui est, proditor estq; Dei.
 Gorgona terrificam proiectat Traditionum,
 Ut plebs his firmet saxea facta fidem.
 Agrapha Scripturis exæquat, & impius audet
 Nonnunquam Autographis antetulisse Dei.
 Atramentalis reuerâ est Doctor habendus,
 Qui præter scriptum scitq; sapitq; nihil.
 His assumptis concinnat Mysta Latinus
 Induias lepidæ, quisquiliâsque Lupæ.
 Has ego sed Sordes, & amurcas Traditionum,
 Nauseo ridiculas, destomachante Papâ.
 Non basis est (inquit) fidei scriptura : sed omnis
 Traditio interea creditur esse basis.

Non

Non fundamentum, non fit Scriptura columna;

Non fidei gnomon, regula, norma, canon.

Nec scriptura data est, fidei vt Regina præesset :

Sed fidei vt possit serua subesse, data est.

Dogma Papæ fidei basis est, & amussis, & index :

Sed fidei esse basis vox nequit ipsa Dei.

Horrendum, insulsum, delirum, insensile dogma :

Quódq; sat auriculas arguat esse Papæ.

Et tamen indocti in Doctoris dogmate bruto

Implicitè totus pœnæ Papismus inest.

Iamq; venit magnæ Gens scripturaria famæ,

Assecta Gens cathedræ, Gens studiosa Papæ.

Multaq; mira modis scribit miracula miris :

Quêis minimam dubiè dóq; negóq; fidem.

Hi de palponum, colacúmque, & stirpe Gnathonũ,

Impinguant oleo, Pontificale caput.

Hi sunt Pontifici quasi serua cadauera: motu

Quos insensatos fingit agítque suo.

Antichristi omnes incrustant vulnera : verùm

Nil medicina valet percutiente Deo.

Aurea sanctorum memorant annalia Patrum,

In quibus ô si quis nil sapit, ille sapit.

Inspidis scriptis, & scribis infatuatis,

Omne diu punctum Roma prophana tulit.

His librâ & limâ demptis, placet omne quod omni

Momento impostum est, Pontificale iugum.

Mirificè stolidè multi sapuisse videntur :

Et docuisse parum, sed didicisse nihil.

Quorum ego vix digner Musarum scripta culinis,

Ni lacerata coquo thúsq; pipérq; ferant.

Scilicet hi faciunt multos faciendo libellos,

Ne pretio constet charta minore mihi.

Quisquis Apostolicos canones pseudonyma scripta

Esse putat, vero veriùs ille putat.

Decreta at postquam sunt Decretalia dicta,

Relligio cœpit prona labare Dei.

Multa nouellatz diuortia Relligionis

Dicere non nostri est Martis & artis opus.

Rode vngues viuos, & scinde *Thalia* libellos :

Res renuit claudi Versibus vna tuis.

Sed tamen audendam est : animosa audacia multos

Iuuerit, hæc Marti suggeret arma tuo.

Pullati, albat, co-operti vestibus artis,

Cordigeri bipides, nudipedes pecudes.

Et mendicantes, manducantésq; vicissim,

Vncti Epicuri, ampli, pinguiculi, vituli,

Sunt Romanensis pulcherrima germina Scrofæ;

Tam pulchra foetu est foeta Latina parens.

Hic videas multos albatos nomine Christi,

Quêis denigrata est Dæmone vita malo.

Farcire ingluuiem ritè est horaria multis

Relligio, & plenâ lance litare gulæ.

Ieiunant

Ieiunant alij, ieiunantésq; merentur

(Vt fatuerentur) regna beata Dei.

Quisq; suæ Sectæ est obseruantissimus : atque

Tam fugienda facit, quàm facienda fugit.

Lanea huic vestis, placet illi linea Sectæ,

Sanctiùs hic pisces, ille ligurit olus.

Arctiùs huic vertex glabrescit, latiùs illi,

Pressiùs hic stringit, laxiùs ille togam.

Hic Augustino famulatur ; at hic *Benedicto*;

Hic comes est stolidus (*Carthusiane*) tibi.

Signifer hic crucis est, est portitor ille cuculli,

Fortiter his pro aris pugnat, at ille focis.

Hic tuus est (*Francisce*) cliens : addicitur ille

Mancipium (*Antonimagne* Subulce) tibi.

Hic Anachoretas imitatus clauditur antro ;

Ille hospes mundi secula, totus amat.

Sanctulus hic sanctos, sanctas prece verberat ille,

Arboris hic Numen, Marmoris ille colit.

Hic factum, hic fictum, hic pictū, prostratus adorat.

Hic vnum, hic statuæ flectit vtrūq; genu.

Hic *Christi*, hic *Petri*, hic *Pauli* vult mimus haberi :

Hic Socius bouis est, hic suis, hic asini.

Deniq; sic coeunt, bos, fur, sus, atq; Sacerdos :

Atq; huius Sectæ plurimus esse cupit.

Est tamen omni genæ Sectæ sanctissimus omnis

Mos suus : hocq; potest sanctiùs esse nihil.

Religioforum diuortia Romulcorum
 Dissociare queant, non solidare fidem.
 Suntq; alij multi (quos de Sue dico Suitas,
 Nam falsum à I E S V nomine nomen habent)
 Hos turbatores pacis, follésque, facésque,
 Mundus inoccidux seditionis habet.
 Dissimulat, simulat, gens fraude ac sanguine nata:
 Et lauro gladios insidiosa tegit.
 Ante lutheranos satis est hos esse Papistas:
 Hæc fidei summa est, hic pietatis apex.
 Eugene flagellifera quanta est deuotio turbæ,
 Dum nuda assiduo verberare terga secat?
 Nempe quater decies (minùs vnâ) hinc flagrio plagas
 Accipit, exemplo (Paule beate) tuo.
Franciscus (memorant) in corpore stigmata Christi
 Portans, stigmaticis classicus author erat.
 Solus & hic Domino multum cõformia Christo
 Corpore compuncto vulnera quinque tulit.
 Suadeo, ne cesset pietas, plagosa supellex
 Cui desit: tunicam vendat, emâtq; sibi.
 Sit verò triplici de reſte trinode flagellum:
 Inq; crucis formam puncta triquetra gerat.
 Quid? quod scemine fortis numerosa propago.
 Militet in castris, cœnobiisq; Papæ.
 Obsequium, & clausæ pietas votaria turbæ.
 Nititur indubiâ religione Papæ.

Relligio hæc mirè Nymphas fœcundat : & vltro
Innuptæ matris flebile perdit onus.
Verminat innumeris Soboles Acheronticæ cellis,
Armentale Papæ, votifragumque pecus.
Casta satis (si cauta satis) pippire videtur,
Ausoniæ cortis Sanctula pullities.
Omnibus est cryptis, & claustris religiosis,
More modoque suo sanctior ordo suus.
Ordo suus cuiq; est pro Relligionis amissi,
Orditur fatuam, terminat ordo fidem.
Inter honoratas Secto tot ab ordine Sectas,
Ordo Papæ passim est, exulat ordo Dei.
Heu laudis Cytharas, an litis tympana pulsat,
Romulidum tanto schismate scissa cohors ?
Iamq; dies festi properant : Ecclesia Romæ
Laudatrix operis, non studiosa boni,
Tot Menssem festis ornâtque, onerâtque diebus,
Tota sit vt festus *Delia* pœne Dies.
Tum pedibus sacras ad eunt (haud mentibus) ædes :
Et digitis pendunt pensâ diurna precum.
Quis non neglectas Christo iurauerit esse
Non intellectas, attonitâsq; preces ?
Lallantùm, & vastè clamantùm incondita turba,
Stridula rancidulâ cantica nare sonat.
Fracta nimis, contenta nimis, Symphonia vocis,
Grata (vices varians) creditur esse Deo.

Nec non & cytharæ, Sambucæ, Cymbala, Sistra,
 Vasta Gigantæo murmure, templa replent.
 Mirum, mitepidi folles bucconibus istis,
 Et iccoris quassirupta lagena crepet.
 Non sic gallinæ Mauortius ille maritus
 Raucifono blæsum fulminat ore melos.
 Non sic Arcadiæ rudit pecus, aut mare mugit :
 Aut tonitru inclusum murmura tanta ciet :
 Quantum istic tonitru, sonitúq; sonantior omni,
 In resonâ rarus bombilat æde chorus.
 Sic matutinas vespertinásq; vicissim
 Ritè preces fundunt, Cœlicolásq; colunt.
 Sic vox pro voto est, pro corde melodia chordæ,
 Atq; Deum clamor, non prece flectit amor.
 Sæpius admiror miranda hæc Orgia Romæ.
 Súnq; ea mira fatis, sed scio mira magis.
 Papæ, bulla Papæ quanti est, culpæq; remissa ?
 Vix hæc merx nobis vnus assis erit.
 Balsama munda, agnúsq; Dei, teretésq; lapilli,
 Sunt tanti, quanti lana caprina mihi.
 Ridiculas Babylonis opes gazásq; facetas,
 Non nisi vanus amat, non nisi blennus emit.
 Ampullas bullas, & plumbea plumea habere,
 Qui sapit, ille solet : qui solet, ille sapit.
 Quid memorem fraudes, & quid mendacia multa,
 Multa cathedratus quæis legit æra pater ?

Est Papa totius Mercator maximus Orbis :
Plurimâq; è quauis scœnora merce creat.
Ille est omnigenum condus promûsq; facetus
Nugarum, & lepidæ Gymnasiarcha scholæ.
Ille tot ad numinos oculatus repperit artes,
Desit vt his numerus, nomina, meta, modus.
Vt quæstum faciat, nec vectigalia desint:
Fit mango, cerdo, leno, danista, Papa.
Quicquid is aut tangit digitis, aut signat ocellis,
Aut pedibus calcat, sanctiùs esse solet.
Quin & cinnameo Præsul sanctissimus ore,
Omnia mirificè sanctificare solet.
Eruçtet Satanas contagia gutturis atri :
Aura salutaris spirat ab ore Papæ.
Quinetiam afflatu sacro (res mira relatu)
Pneuma dat am sanctum protinus ille suis.
Missificosq; creans, iniunctis pectore toto
Insufflans, sanctum Pneuma (ait) accipite.
Id Christus quondam cum dixerit : impius esto,
Qui negat hoc iterum dicere posse Papam.
Omnia nam Christi sunt sancti propria patris ;
Id fidei debet sospitis esse caput.
Et quia quæ Christo tribuunt oracula sacra,
Simiolo Christi sunt tribuenda Papæ :
Christus vt ingressus Solymas insedit Afello,
Sic asinare decet, non equitare, Papam.

Omne genus nugas, & inania ludicra Romæ,
 Peruolitare mihi non Satis vna dies.
 Ad nummi aucupium multas habet omine fausto
 Excipulas lepidas, decipulasque, Pater.
 Quantum Pontifici, fraus nunquam profuit vlli,
 Omne Papæ regnum statque, vigetque dolis.
 Emporia instituit magno fulgentia quæstu,
 In quibus ære potes de scrobe ferre scobem.
 Primò infantilis, tandem Antichristus adultus,
 Multa suis proavis commodiora dedit.
 At modò febricitant bona vectigalia Patris,
 Consulit huic damno qualibet arte pater.
 Quæ Capitolini quondam Iouis extitit Icon,
 Nunc piscatoris dicitur esse Petri.
 Hoc ego non credam, nisi monti quanta mouendo
 Sit satis, illa mihi sit spatiosa fides.
 Tam lata est, tam larga fides, tam laxa Papistis,
 Ut credant, credi quæ Papa cunq, iubet.
 Non Petri conclaue diu post tempora Petri
 Auditum, aut Romæ Sessio sancta Patrum.
 Et Sacramenti circumgestatio paucos
 Quo nunc gestatur more) recenset auos.
 Romani Emporij Princeps ludibria rerum
 Vendit, & his gaxis ditat Asyla Dei.
 Ad merces emptas redimendas cogit euentes,
 Nec fit res illi venditione minor.

Quæ vendit, tradit : quæ tradit, seruat, habétque,
Et multis vno tempore vendit idem.
Soluentes absoluit : & indulgentia patris
(Si patri indulges) certa futura tibi est.
Scilicet omnigenâ Romani merce propolæ
Thesaurum æternæ (crede) salutis emes.
Curre reus Romam, venienti hûc tota supellex
Cœlestis Regni, vāniet ære tibi.
Hæccine concessa est ars cauponaria Petro ?
Vix hoc me coget credere bulla Papæ.
Iam verò miranda modis miracula miris,
Omni indigna fide, digna stupore, canam.
In templis multis operoso è marmore structis,
Quæ passim ostentat Roma superba tibi)
De ligno lacrymæ, sanguis de marmore sudat:
Id malè qui credit, nil capit inde mali.
Exorcisatur mirando murmure Dæmon,
Cogitur & celerem iussus, inire fugam.
Empulæ, Laruæ, Lamiaq; & cetera spectra,
Lædere non possunt, id prohibente Papâ.
In sacro induntur campanis nomina fonte :
Hocq; sonante malus Spiritus ære fugit.
Thuricremas adolere solent suffitibus aras :
Suffitôque statim Dæmona thure fugant.
Nempe salutiferâ deuoti Antistitis arte,
Terribilis Dæmon territus ipse fugit.

Sæuaret ruptis Satanas grassator habenis,
 Si non sæuitiam poneret arte Papæ.
 Commemoratur aquæ benedictæ maxima virtus;
 Num vis in Christi Sanguine maior inest?
 Concretam illa animæ labem, culpæq; reatum
 Eximit: & Satanam non finit esse ferum.
 Saluus eris, si rore sacro lustrabere: quippè
 Res omni liquido clariùs ista liquet.
 Hemerobaptistas imitantur nempe Papistæ;
 Assiduo infani, corpora rore lauant.
 O mihi nugones, ioculatorésq; Papistas,
 Falsuræ fabros, fraude dolóque satos.
 Qui vos has docuit fraudes, & fascina (credo)
 In Satanæ, Satanâ doctior arte fuit.
 Venditur immenso pretio purissima lana,
 Metropolitani fiat vt inde chlamys.
 Si mundam ceram Papa vendit, crimina mundat,
 Hoc certè certo certius esse liquet.
 Nec nihil est digito benedici, ac indice Patris,
 Qui negat hoc, septem Pleiadas esse neget.
 O quantum in sputo, quantumq; in Chrismate san-
 Et quantum in lacte ac uelle Salutis inest? (oct,
 At Crucis inuictæ cui signum accesserit, hostis
 Dirus in hunc poterit iuris habere nihil.
 Circumspectatrix, defendens omnia latè;
 Crux animæ scutum est, præsidiúmq; tuæ:

Mira cano : Crux est protectrix Orbis : & ipse
Diuifum imperium cum cruce, Christus habet.
Non lyra Ieffæ Sobolis, non fimbria Christi,
Non chlamys Eliæ, non mare virga secans,
Cum virtute crucis contendant passibus æquis ;
Crux ipsam Domini vimque vicemque gerit.
Conclauata cruci dum Christi membra fuerunt,
Virtutem indubiè crux bibit illa Dei.
Aëra tranat auis ? crucis hîc manifesta figura
Reminio alarum facta tuetur auem.
Antennâ & malo navis propellitur : atquî
Partibus ex istis forma fit ipsa crucis.
Vomere tellurem impresso proscindit arator ?
Hîc manifesta crucis prostat imago tibi.
Linea cœlestem transuersa interfecat axem ?
Fit mox in cœlo forma beata crucis.
Tu crucis Oceani apponas in littore signum,
Nec metam hanc vltra progredientur aquæ.
Hausta tibi multum nequeunt aconita nocere,
Si tua depositum muniat ora crucis.
Magne pater (patrone crucis dignissime) tectum
De cruce nunc oritur lîsque labôrque mihi.
In cruce si quicquam Cacodæmon horreat : horret
Terribilem formam, materiâque crucis.
Materiâne timet ? tum quidni illæsa metalla,
Siue rudes lapides, lignaue pura timet ?

An timor est formæ species, & fictilis Icon?

Tum quin transuersas horret in æde trabes?

Strauolatram pietas agitat vesana phrenitin,

In cruce quando crucem figit inepta sibi.

Sed neque crux talis crucifixum extendit I B S V M,

Quale crucis signum plasma Papale dedit.

O Papa nugarum scitissime Dædale) miras

Qui mundo è fundo, diuite fundis opes:

Siccine me solidè stolidum obbrutescere credis,

Figmenta vt credam qualiacunq; tibi?

Tum caput hoc tulerò crassum, calsumque cerebro:

Optabóque triplex sit tua crista mihi.

Reliquijs, tricisq; tuis, nugisq; iocisq;

Iam tandem modus est, non superesse modum.

Omnibus omnigenum plustellis reliquiarum,

Templa profanasti religiosa Dei.

Reliquiarum ergo scrutaris opera sepulchra,

Nec pacem occultis manibus esce sinis.

Reliquiarum ergo peregrinas tendis ad oras,

Omnia reliquijs sunt loca plena tuis.

Sic per reliquias, reliquasq; superstitiones,

Vix locus est reliquus (Christe supreme) tibi.

Cuncta tamen saluâ pietate: quod exulet omnis

Error ab induijs exuuijsque Papæ.

Scilicet huic solùm est sacrosancta Ecclesia Christi:

Hic habitat pietas, hic sine fraude fides.

Iamq;

Iámq; mihi antiqui secli muccosa suppellex
Scribenti calamum, Calliopénq; ciet.
Multa modò emergunt, quæ quondam immersa te-
Et mirâ rerum rudera, luce nitent. nebris:
Ipsa vetustatis sacræ venerabilis Icon,
Signa noui decoris, signa decoris habet.
Mos vetus, antiquæ leges, Ecclesia prima,
Priscâq; traditio, calcâq; religio.
Omnia sunt Romæ visenda : & tu ambigis vtrum
Sospes adhuc Romæ sit cacodoxa fides?
Inde fidem hanc istic liquet esse ; quòd cuxlet omnis
Purior hic cultus, Relligiôq; Dei.
Recula quæcúnq; est delata recentula Romam,
Signa vetustatis mox melioris habet.
Iam Gibeonitas firmaueris esse Papistas ;
Omnia quæ sua sunt, esse vetusta volunt.
Cauda asinæ mitis, quam Christi tibia pressit,
Nunc auro, & gemmâ multicolore nitet.
Iosephi exuuiæ laniantur dentibus æui :
Signâque primæuæ nobilitatis habent.
Includitque piæ lac Virginis obba Mariæ :
Carius hoc certè est, charius estque nihil.
Multa latent multis apothecis rancida sacra,
Quæ portentosam Muiomachian olent.
Qui vocat has Gazas, Sanctæq; aulea Sionis,
Mulgeat hic Vespas, iungat apésq; simul.

Omnibus hisce tamen (ne te mola conterat iræ)
 Vel renuente fide, certus habeto fidem.
 Adde quòd ostendant tot Martyris vnus ossa,
 Vt vix, aut ne vix, par ferat illa boum.
 Sæpius & promunt pro Martyris ossibus ossa,
 Qualia compertum est antè fuisse suis.
 Vix vnum vnus monumentum lipsana claudat,
 In tumulis adeo contumulata tument.
 Imposturarum fœcunda puerpera Roma,
 Has scitè fraudes asserit esse pias.
 At verò quicunq; sapit, deliria vana
 Conspuat & gladio percutit illa Dei.
 Heu quantum assiduè sancto de Sanguine Christi
 Exorbet bibulo Sanctulus ore Pater?
 Hic tamen exiguum puro de Sanguine Christi
 (Credere si dignum est) sedulus vtre premit.
 Strenuus Antistes cacodoxæ religionis,
 Asserit hæc mirè visa placere Deo.
 Huic ego Pythagoræ non credo: nec horreo quicquã
 In caput acta meum fulmina bruta Papæ.
 Vana Palatini crepitacula sperno Typhœi;
 Sæua Papæ bilis non (nisi pota) nocet.
 Illi iandudum stat circumcisa potestas:
 Nec tricornatum motat, vt antè, caput.
Cumanum hunc olim magni timuere Monarchæ:
 Iam post Secta Papæ cornua, nemo timet.

Nempe Italus Cacus fumos, fatuiq; furoris
Fulmina, flammato futilis ore vomit.
Deniq, legifero hîc Mofi germana supersunt
Cornua : Sola deest nobilis arca *Noba.*

Adhuc de iisdem.

Mirabilissima alia sunt mirabilia.
In vrbe Româ mira, mirandis modis :
Quæ fasce presso, & fune complectar breui.

Christi capillus, tunica, zona, calceus,
Indusium, redimiculum, sudarium,
Cœnæ suppellex vltimæ, incunabula,
Spongia, corona, lancea, flagra, lintea.

Tænia Mariæ, crepida, pecten, cingulum,
Lacerna, stola, peplus, capillus, annulus.
Et quæ tricristæ multa legauit Patri,
Pretiosa pulchra, pura, texta Serica.

Multâ repostum sede Baptistæ caput,
Cathedra, & ensis, clauis, ac pedum Petri.
Complurimus qui contudit Stephanum lapis,
Mera vera quæ olim Manna de cœlo pluit.
Vngues, & alæ, & rostra Sancti Spiritus,
Pugio Michaelis, & clypeus Archangeli.

Monumenta belli plurima Eucharistici.
 Multæ entitates, Quidditates plurimæ,
 Inexplicabiles, inextricabiles,
 De consecratione controuersiæ.

Papæ Basilica, & aula, & alma curia :
 Sceleris Asylum, docta nequitia schola,
 Iniuriarum machinatrix omnium,
 Gurgis rapinarum, officina calumniæ,
 Regia Gigantum, vulturum collegium,
 Æolia turbarum & tumultuum domus,
 Et proditorum iuge Seminarum.

Rerum sacrarum fœda nundinatio,
 Sancto in loco stans dira abominatio,
 Fidei catholicæ horrenda deuastatio,
 Cui nunc diabolico abolitæ mendacio,
 Successit, & Domum Dei pessum dedit,
 Cacolyca relligio catacatholici Patris.
 Re'ligio ficta, falsa, Veteratoria,
 Ultra alia Satanæ scita mea incognita.
 Cadauerosa, informis, æquiuoca fides,
 Stolidi, stupida, hypothetica, in aëre pendula :
 Iniquitatis abditum mysterium,
 Impuritatis Sonticum gymnasium,
 Animarum amarum plurimarum pabulum,
 Catholica cuius dira sunt absynthia,
 Nectar venenum, toxicum atrox pharmacum.


Et quæ duellant dissidentum examina,
 Cadmeæ progenies, phalanx papistica,
 Opinionibus varia, opinantibus,
 Hostilibus tanquam perempti hastilibus.
 Multi Scotistæ, cum Thomistis plurimis,
 Et occamistæ, & Gabrielistæ plurimi,
 Et nominales, & reales plurimi,
 Et Syllogismi & paralogismi plurimi.
 Et cœnobitæ, & seculares plurimi,
 Et Regulares, & gulares plurimi,
 Et imperitè sentientes plurimi,
 Et sat peritè mentientes plurimi,
 Et Summa Constitutionum plurima,
 Et fulminatrices querelæ plurimæ.
 Et fulminantes Sanctiones plurimæ,
 Et Vaticanæ vanitates plurimæ,
 Et plurimæ Sectæ, & Sophistæ plurimi,
 Et plurimi rasi, & peruncti plurimi,
 Et Sanctitates Sordidatæ plurimæ,
 Et cælibatus inquinati plurimi,
 Et Siderati ardore Zeli plurimi,
 Et Parricidæ, & Regicidæ plurimi,
 Et plurimi Mimi, & Cinædi plurimi,
 Et Dæmogorgones Papæ complurimi,
 Et Cardinales purpurati plurimi,
 Et gloriosi, & fastuosi plurimi,

Et annulati, & infulati plurimi,
 Et plurimæ Lupæ, & popinæ plurimæ,
 Et plurimæ sanctæ, & Sacella plurima,
 Et plurimi sancti, & Sepulchra plurima,
 Et plurima Idola, & colossi plurimi,
 Et plurimæ Missæ, & legendæ plurimæ,
 Et plurimæ vittæ, & tiaræ plurimæ,
 Et plurimæ infulæ, & cuculli plurimi,
 Et plurimorum armenta fratrum plurima,
 Et multa, plura, plurima absurdissima
 Episcopatus pseudoli Ludibria,
 Episcopi Papæ aposcopi crepundia,
 Miraculorum ingentium mendacia,
 Mendaciorum ingentium miracula,
 Nauigia quæ implerent trecenta oneraria.
O Roma miris plurimis mirabilis.

In Melissam.

Hic, apis, haud Elephas, liber est: non mole, sed amplâ
 Commoda lecturis sedulitate feret.
 Parua apis, & paruæ gemmæ, paruique lapilli:
 Et tua (parue liber) parua minoris erunt?
 Inuidiam, stulti Thesaurum in pectore gestant:
 Thesaurum hunc noli (Lector) auere tibi.


FINIS.



Lectori candido.

Libellum, ut equum, nairi dicitur in pagina. Male excusa (quaso) excusa authoris absentia. Nollem autem puncta haud recte interpuncta, te vel puncto temporis morari. Quare aut sententia seruiant, aut superflua penitus exulent.

Pagina 13. versu 16. lege poterat. pag. 14. ver. 21. lege diuortia. ibid. 24. l. tergeminisque. p. 17. v. 10. l. lucifugis. ibid. 25. l. suprema. p. 19. v. ult. l. Diocesin. p. 20. v. 22. l. queritur. p. 23. v. 7. l. vanx. ibid. 24. l. recusabas. p. 24. v. 18. l. Papæ. p. 26. v. 10. l. exeruisse. p. 37. v. 3. l. violentius. p. 38. v. 26. l. ouante. p. 45. v. 9. l. ignoto. p. 52. v. 2. l. amorque. p. 75. v. 7. l. cordisque. p. 76. v. 14. l. vtigne. p. 77. v. 2. l. Seruum. p. 81. v. 3. l. errorum. ibid. 15. l. vndæ. p. 85. v. 5. l. flumina. p. 87. v. 13. l. sic corpus. p. 88. v. 15. l. Doctor. ibid. 22. l. modo. p. 92. v. 9. l. serunt. ibid. 16. l. Sarcophagosque. ibid. 25. l. pugnat. p. 94. v. 3. l. deficit. ibid. 17. l. ineptus. p. 103. v. 8. l. doni. p. 119. v. 8. l. matzologus. ibid. 10. l. est fixus. p. 120. v. 1. l. clauique. p. 121. v. 10. l. pene. p. 122. v. 17. l. atris. ibid. 23. l. pulchro. p. 124. v. 9. l. Antilutheranos. p. 127. v. 17. l. & inunctis. p. 130. v. 21. l. sancto. p. 132. v. 18. l. esse. p. 133. 11. l. exulet. 137. v. 8. l. Syllögismi.



1. Lesson Card

1. Lesson Card
2. Lesson Card
3. Lesson Card
4. Lesson Card
5. Lesson Card
6. Lesson Card
7. Lesson Card
8. Lesson Card
9. Lesson Card
10. Lesson Card
11. Lesson Card
12. Lesson Card
13. Lesson Card
14. Lesson Card
15. Lesson Card
16. Lesson Card
17. Lesson Card
18. Lesson Card
19. Lesson Card
20. Lesson Card
21. Lesson Card
22. Lesson Card
23. Lesson Card
24. Lesson Card
25. Lesson Card
26. Lesson Card
27. Lesson Card
28. Lesson Card
29. Lesson Card
30. Lesson Card
31. Lesson Card
32. Lesson Card
33. Lesson Card
34. Lesson Card
35. Lesson Card
36. Lesson Card
37. Lesson Card
38. Lesson Card
39. Lesson Card
40. Lesson Card
41. Lesson Card
42. Lesson Card
43. Lesson Card
44. Lesson Card
45. Lesson Card
46. Lesson Card
47. Lesson Card
48. Lesson Card
49. Lesson Card
50. Lesson Card
51. Lesson Card
52. Lesson Card
53. Lesson Card
54. Lesson Card
55. Lesson Card
56. Lesson Card
57. Lesson Card
58. Lesson Card
59. Lesson Card
60. Lesson Card
61. Lesson Card
62. Lesson Card
63. Lesson Card
64. Lesson Card
65. Lesson Card
66. Lesson Card
67. Lesson Card
68. Lesson Card
69. Lesson Card
70. Lesson Card
71. Lesson Card
72. Lesson Card
73. Lesson Card
74. Lesson Card
75. Lesson Card
76. Lesson Card
77. Lesson Card
78. Lesson Card
79. Lesson Card
80. Lesson Card
81. Lesson Card
82. Lesson Card
83. Lesson Card
84. Lesson Card
85. Lesson Card
86. Lesson Card
87. Lesson Card
88. Lesson Card
89. Lesson Card
90. Lesson Card
91. Lesson Card
92. Lesson Card
93. Lesson Card
94. Lesson Card
95. Lesson Card
96. Lesson Card
97. Lesson Card
98. Lesson Card
99. Lesson Card
100. Lesson Card

C 12029
20411

REPRODUCED FROM THE COPY IN THE
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION